


江南通志

自卷十二  
至卷十三

內閣文庫		
函	冊	號
二	六九二	三九六九
架	冊	號
二	六九二	三九六九
漢書類		

內閣文庫		
函	冊	號
二	六九二	三九六九
架	冊	號
二	六九二	三九六九
漢書類		
(三六九)		

內閣文庫		
番號	漢	3969
冊數	692( 63 )	
函號	291	97



江南通志卷十二

輿地志

山川 蘇州府

蘇州府

陽山在府城西北三十里一名秦餘杭山一名萬安山  
 一名四飛山以四面視之勢若飛動也顧元慶新錄序  
 云去城三十里蟠蟲特異以其背陰面陽故曰陽山大  
 峯十二箭闕最高戰國策云越王以散卒三千禽夫差  
 於于隧今萬安山有隧山即其地也箭闕下有文殊寺  
 白龍塢嶺西有龍母塚前有龍湫白龍廟在焉東北有  
 白鶴山以丁令威宅名山有白塔可用圻塹潔白如粉

淺草文庫



唐時歲以供進故亦名白塔山東北過金芝嶺曰管山  
山北大石湧出如蓮花下有雲泉西爲陽抱山西北爲  
彭山北爲雞籠山甌山東南有象山卽福壽山又徐侯  
山在陽山西北十里一名卑猶吳越春秋云越王以禮  
葬吳王夫差於卑猶卽此東南過鳳現嶺爲鳳凰山又  
南爲賀九嶺相傳吳王登此賀重九壁有賀九嶺三大  
字

高景山天平支隴也越絕書作高頸山其西麓對花山  
厓谷盤拱處曰金盆塢宋魏了翁墓在焉其南爲斜堰  
嶺

金山亦天平支隴也初名茶塢山晉宋間鑿石得金易  
今名有石梁橫架兩壁脈理不聯無所根蒂其下空洞  
通人行或以爲類天台石梁山故多美石採之者衆近  
已殘毀

白豸山在府西北三十三里許墅之北按越絕書舊名  
胥女山春申君封吳更名今名爲白石山 以上長洲縣  
虎邱山在府城西北九里吳越春秋云闔閭墓此以扁  
諸魚腸劍三千爲殉越三日金精結爲白虎踞其上故  
名又曰海湧山絕巖聳壑茂林深篁爲江左邱壑之表  
初山踞平疇中唐白居易始鑿山麓引水四周溪流迴  
映緣山南一徑而入遂有遙深幽邃之致其最勝者爲  
劍池兩岸劃開中涵石泉深不可測世傳秦皇鑿山求

劍處也稍前為千人石高下平衍可坐千人神僧竺道生講經於此有點頭石生公講經時聚石為徒石輒點頭因名左有千葉白蓮池秦皇試劍石憨憨和尚泉清遠道士養鶴澗陸羽石井泉東晉為王珣別墅山下因有短簿祠劉宋何求兄弟陳顧越唐史德義並隱此上有浮圖雲巖寺梅花樓小吳軒平遠堂仰蘇樓五臺山千頃雲小竹林諸勝

聖祖仁皇帝南巡屢幸是山上建

行宮

萬歲樓

御賜匾額雲巖寺曰連雲梅花樓曰澹香樓山門曰虎阜禪寺

二山門曰路接天閻天王殿曰香界連雲大殿曰仙景澄輝

關帝閣下曰雲光臺禪堂曰水雲深處

行宮內曰靜遠曰晴巒飛翠曰含輝山館

萬歲樓曰青雲鏡曰天光雲影又有

御書亭碑勒

御製虎邱山詩

附

梁顧野王虎邱山序

夫少室作鎮以峻極而

而稱貴若茲山者高不縈雲深無藏影卑非培塿淺異疎林秀壁數尋蔽杜蘭與苔蘚椿枝千仞掛藤葛以懸蘿曲澗潺湲修篁蔭映路若絕而復通石將頽而更綴抑巨麗之名山信大吳之勝壤若乃九功六義之興依永和聲之製志由興作情以詞宣形言諧於韶夏名文暢於鐘律由來尚矣未有登高能賦而韜斐麗之章入谷忘歸而忽鏗鏘之節故總轡齊鑑離蟲於山水雲合霧集爭歌頌於林泉於時風清遠谷景麗修巒蘭佩堪紉胡繩可索林花翻灑乍颺颺於蘭皋山禽嘯響時弄聲於喬木班草班荆坐磻石之上濯纓濯足就滄浪

之水傾縹窵而酌旨酒剪綠葉而賦新詩肅肅若與三  
 徑齊蹤鏘然似共九成諧韻盛矣哉聊述時事寄之翰  
 墨宋王禹偁劍池銘并序地記引秦王之奇者吳  
 考諸舊史則無聞焉矧儒家者流不可語怪因為銘以  
 辨之銘曰茂苑之側震澤之灤巖巖虎山沉沉劍池峻  
 不可以仰視深不可以下窺疑乎太極作怪化工好奇  
 水物設險山妓忌危陷其泉也蓋取諸坎磔其石也以  
 象乎離艮有止兆蒙無亨期構此屯難成乎險巖直恐  
 夏后弗能導之豈惟秦王而能肇茲蓋其始也一氣發  
 泄兩儀分別爭融鬪結擊搏而裂斷壁雙揭摩雲不徹  
 翠秃青殘挫銳而中絕寒流下咽犇山未決雪壅雷收  
 拘怒而曲折蹙束湍瀨桴槎洞穴鱗翻成窟龍戰有血  
 匪自人力蓋從天設誰謂一拳登之維艱誰謂一勺挹  
 之不竭池實自然劍何妄傳勒銘山嶺破衆惑焉

尹山在府葑門外十八里

大姚山在府東南葑門外三十五里

張林山在甫里鎮離城五十里

周和山在府婁門外三里

白蜺山在府城東三十里

唯亭山在府城東三十五里 以上元和縣

王遮山在陽山南橫列如屏今呼遮山舊志謂之查山

其南有案山化山苦竹山其北有蜀山東南有貞山東

有官山馬山又東為雅宜山本名雅兒唐青州刺史張

濟女雅兒葬此其南有朝山又東則五城山又東則真

如塢與小白陽相連

錦峯山在陽山西南山產異石霞駁雲燦宋兵部尙書

鄭起潛居此淳祐中理宗書錦峯二字賜之

鄧尉山在錦峯山西南去城七十里漢有鄧尉者隱此

其地為光福里故又名光福山北有龜山光福塔在焉  
 山之西北為虎山中通一溪跨以石梁曰虎山橋其東  
 麓有七寶泉鄧尉西行歷鳥山觀山朝山塢西積山彈  
 山過長旂嶺竺山至元墓出入湖山間居人愛植梅樹  
 花開時數十里如積雪諸山惟西積最高大其旁又有  
 鐵山吾家山石帆山皆附鄧尉又馬駕山在鄧尉之陰  
 又青芝山在鄧尉西南羣山環拱中稍豁一隅致為佳  
 勝附明徐枋鄧尉十景記虎山橋凡遊鄧尉者必由虎  
 也其地四面皆山中匯二堰以受諸山之水迴環上下  
 約二十餘里有石梁在亂山中雄跨二堰間層巒疊嶂  
 映帶無已而左右巨浸波光極目正如長虹天矯橫亘  
 碧落每一登眺不復知此身之在塵世矣余每謂鄧尉  
 二堰實不減西子湖以其山水相得也然西湖諸山奇  
 麗處正如子瞻所云淡粧濃抹猶能擬似若鄧尉二堰

則如仙真勝流不可方物矣余酷愛鄧尉山水之勝一  
 歲中嘗三四過之每至虎山橋輒徘徊不能去也司徒  
 廟司徒廟柏千年物也雄奇偃蹇各極其致有非圖畫  
 之所能盡者始不減杜少陵所咏孔明祠前柏也零落  
 空山榛蕪滿地昔人祠宇湮沒無聞多矣而此獨以柏  
 樹得傳不亦異乎或曰此漢高密侯祠也銅坑過虎山  
 橋為龜山龜山之麓直接平堤夾岸榆柳皆在下堰中  
 遙望水面有物如螺雜樹蒙之浮廟墩也堰之盡長虹  
 縹緲如綫銅坑橋也外則太湖具區矣烟水淪漣山林  
 杳冥而輕帆出沒直浮天末亦一山之絕銅井鄧尉支  
 山銅井最勝以其有石有泉也其頂高出諸山獨有二  
 大樹冠之遠見三十里石磴盤紆拾級而上既陟其巔  
 有巨峯橫偃大如十間屋其高幾丈嵌空峻峭作勢奇  
 妙峯下有泉二俱在石罅中石皆青碧色其質細潤如  
 古銅器而泉深如井故云銅井一云泉底有銅故水味  
 常澁要不可考也峯側有古廟居二大樹下廟旁精舍  
 三四楹坐臥食息與奇峯相對而烟雲出沒皆在足底  
 真殊境也石壁鄧尉諸山苦少奇石故石壁雖在僻遠  
 而遊屐之所必到也先自平疇躡山麓而上數折至山  
 之半闕徑如砥夾路皆松杉也上倚巉巖下俯太湖湖  
 水澎湃吞嚙山足風起則谷嘯水湧聲聞甚遠盤山而  
 行二里許將至石壁下又有一峯隔之再轉而入其徑

最狹過數武忽有平地周數畝上即石壁也石固遜銅井之靈妙而獨以雄峭作奇嶄截如削壁色正黃勢迴抱當不減赤城矣中有精舍遊者至此必止息焉程山鄧尉看梅名勝處元墓稱絕餘則馬家山董墳朝元閣槎山礪上皆其選也然馬家山朝元閣皆有梅花而無太湖山不得水其勢不奇礪上固臨湖然一面取致曠而不深惟槎山則三面皆崇山峻嶺復自平田中突起一小山山之麓直入湖中登山瞰湖則遠水兼天一望無際而迴顧三面凡巖壑壁塢離落叢薄幽深窈窕曲折層疊無非梅也春日既麗花光照眼正如玉波雪浪洶湧青巒碧巘間白與澄湖萬頃爭奇矣七十二峯閣明顧文康墓在潭山之麓七十二峯閣即丙舍也閣傍多長松巨石後有峭壁雄據閣背山面湖一望而七十二峯之勝皆在日矣黛眉螺髻縹緲烟波聞吾不能為形容也西灣西灣在元墓之西太湖至此一曲故名西灣其地為鄧尉山中最僻處人跡罕到而多隱者依山而村山家野店無不朴古山多叢竹彌衍數里亦諸山所無也余喜其地之僻嘗遊息焉地在湖濬每中秋壽聲直薄於枕意即唐張潮所詠之西灣也隔湖即鳳凰山云礪上礪上亦名東灣以與西灣相對也多高崖拔起湖中亦有平沙浮行波面崖上下皆山家屋宇籬落井井行列屋後皆高山循山皆梅花數里中無雜樹軒

窓乍啓波光如射而蒹葭離披天水俱承直移我情矣元墓名勝志云吳之中惟元墓最僻亦最奇而湖陰隩丹崖翠壁望之若屏又名鄧尉法華障其前銅坑青芝迤邐其左遊龍界其右岡連嶺屬詭狀殊態不可殫述余以為此固仙山之所有也未足盡其勝也若以梅花為香國則環百里皆梅與山水相問此天下之山之所無也而尤奇者以漁洋為屏太湖為沼左右開障其整如列屏此種氣象苟非開法王座則何物足以當之勝國末萬峯和尚駐錫於此故元墓亦名萬峯歷年三百昔之祇林覺路蕪沒於荒榛衰草中不可復問今剖和尚繼之而法席愈盛於是危樓傑閣遍滿山崖矣

國朝汪琬遊馬駕山記

馬駕山在光福鎮西與銅井並峙山中人率樹梅藝茶條桑為業梅五之

茶三之桑視茶而又減其一號為光福幽麗奇絕處也予入山與諸子循鄧尉之陰前行數十步輒有平原曲澗迴流倒影澄澈見底心稍稍喜於時遊人與者騎者疑而從者不絕於道既至山麓則其境益奇界以短畦藩以叢竹陰森蔚蒼莪通小徑不能受輿騎率皆捨而徒步矣前後梅花多至百許樹香氣芬勃落英繽紛入其中者迷不知出稍北折而上望見山半累石數十或偃或仰小者可几大者可席蓋爾雅所謂磬也於是遂

往列坐其地俯窺旁矚濛然曳若長練凝若積雪  
綿谷跨嶺無一不佳又有微雲弄白輕烟繚青左澄湖  
以為境右崇嶂以為屏水天浩漾蒼翠錯互然則極鄧  
尉元墓之觀孰有尚於茲山者耶惜乎地深且遠莫有  
治廬其址者故不能信宿於此以窮其幽盡其變此  
則予之恨也馬駕山不載郡志或又謂之朱華山云  
元墓山在鄧尉西南六里東晉青州刺史郁泰元葬此  
故名按姑蘇志引聖恩庵開山記元墓作袁墓上有聖  
恩寺丹崖翠閣望之如屏絕頂可攬全湖之勝康熙二  
十八年

聖祖仁皇帝南巡駐蹕寺中

賜御書松風水月四字其山陰與至理諸山相連直抵呂山西

則孫家嶺諸山漸入於湖南為周山又法華山在元墓  
山南一名鉢盂山三面皆在湖中峯塢幽闐遊者鮮至

其東有橫山漁洋山與周山相屬

彈山在西磧之左發迹湖濱橫亘六七里直接青芝瀕

湖處有七十二峯閣所據極勝

茶山一名繡裘山狀類土阜而通體皆石南去太湖不

百步浮六小峯如翠螺搖曳水面歷歷可拾

花山舊名華山一名天池山距陽山東南五里山石峭

拔巖壑深秀續圖經云華山於羣山獨秀望之如屏或

登其巔有石蓮花狀以此得名或云晉太康中曾生干

葉蓮花也老子枕中記云吳西界有華山可以度難疑

即此上有石屋二間四壁皆鑿浮圖像又有虎跑泉蒼

玉洞桃花澗洗心泉諸勝其南為鹿山西有清流山東



南為隆池山

聖祖仁皇帝南巡幸此

御製詩刊於華山寺 恭紀首卷

支硎山在縣西十五里晉支遁嘗隱此山得道升雲而去蘇州志平石為硎山多平石故因支遁以支硎為號焉山有石室寒泉放鶴亭馬跡石別有南峯東峯等峯唐建支山院處南有三巨石屹立如門下有觀音寺故亦名觀音山又定山在支硎西相傳支遁創報恩寺於此禪定故名續圖經謂支硎一名報恩山  
天平山在縣西二十里方輿勝覽云巍然特高羣峯拱揖郡之鎮也林木秀潤更多奇石有卓筆峯飛來峯五

丈石臥龍峯中子峯毛魚池大小石屋盧志云山頂正平有望湖臺圓石面湖者曰照湖鏡有白雲泉一線泉華蓋松又有穿山洞蟾蜍石及龍門南趾有白雲寺范仲淹祖墓在焉其西有筆架峯其後羣石林立名萬笏林又仰天山在天平西數里舊名馬鞍山宋范成大營墓於此慕仲淹為人遂改今名天平之西又有寒山明處士趙宦光鑿石為澗引泉為池山之勝境也 附明高

啓遊天平山記

至正二十二年九月九日積霖既霽灑氣澄肅予與同志之友治饌載醪指天

平山而遊焉山距城西南水行三十里至則舍舟就輿經平林淺塢間道傍竹石蒙翳有泉伏不見作泠泠琴筑聲予欣然停輿聽久之而去至白雲寺謁魏公祠憩遠公庵然後循其麓由狙杙以上山多怪石若臥若立若搏若噬蟠拏撐拄不可名狀復有泉出亂石間曰白雲泉綫脈縈絡下墜於沼舉瓢酌嘗味極甘冷泉上有

亭名與泉同草木秀潤可蔭可息過此則峯迴磴盤十步一折委曲而上至於龍門兩岸並峙若合而通窄險深黑過者側足又其上有石屋二大可坐十人小可坐六七人皆石穴空洞廣石覆之如屋焉既入則慄然若將壓者遂相引以去至此蓋始及山之半矣乃復離朋散伍競逐幽勝予居前益上覺石益怪徑益狹山之景益奇而余之力亦益以憊矣顧後者不予繼乃獨褰裳奮步窮山之高而止焉其上始平曠坦石爲地拂石以坐則見山之雲浮浮天之風颼颼太湖之水渺乎其悠悠予超乎若舉泊乎若休然後知山之不負於茲遊也既而欲下失其故路樹隱石蔽愈索愈迷遂困於荒茅叢篠之間時日欲暮大風忽來洞谷嗒呀鳥獸鳴吼予心恐懼俯下疾呼有樵者聞之遂相導以出至白雲亭復與同遊者會衆莫不尤予好奇之過而予亦笑其懼怯頹敗不能得茲山之奇絕也

秦臺山在太平山之右與萬笏林相隣相傳秦皇遊會稽嘗登此故名其南則羊腸嶺嶺右爲白山嶺南爲赤山長可數里土石多赭色

小白陽山在府城西一名伏龍山左抱靈巖右帶穹窿前瞰太湖爲吳中勝處舊有寄心庵今廢其東南爲博土塢彌陀嶺竺峯嶺又東南則獅子巖又南則野芝塢皆連屬靈巖山

胥山在府西三十里太湖口寰宇記云子胥旣死吳人立祠江上因名胥山下有九折路南出太湖吳王所闢以望太湖者也按越絕書云闔閭之時大霸築吳越城城中有小城二徙治胥山然則胥山之名在闔閭時已有之矣未必因於子胥也

姑蘇山在府西三十里橫山西北一名姑胥一名姑餘古姑蘇臺在其上司馬遷嘗云登姑蘇之臺以望五湖

卽此

岸嶺山在府城西南金山之東圖經云形如獅子故亦名獅子山也水經注以爲岸嶺山吳地記云吳王僚葬此山南有大石相傳爲墜星山右有土阜曰鈴山左曰索山皆以獅子名續圖經云山南有思益寺白居易嘗遊之今廢  
何山在獅山北一里一名鶴阜山其地舊爲鶴邑墟也梁隱士何求何點葬此故改今名

橫山在府西南十一里姑蘇山東隋書十道志云山四面皆橫故名一名踞湖以其背臨太湖若箕踞也續圖經云此山鎮郡西南臨湖控越吳時要地隋開皇中嘗遷郡於橫山東以山爲屏蔽周圍甚廣環以佛刹如薦福楞伽寶華堯峯之類有五塢芳桂飛泉修竹丹霞白雲也

堯峯山在橫山西南吳劉鳳記云堯嶺者記堯時水所至也其高踰千仞蓋洪水汨原東南下卑其勢必滔墊古有所識也烟霞瀰漫不辨晴雨有清暉軒碧玉沼多景巖寶雲井白龍洞觀音巖偃蓋松妙高峯東齋西隱十景今僅有存者上爲聖壽寺下爲興福院康熙二十三年

聖祖仁皇帝南巡

賜翰林院編修汪琬

御書一卷因建閣於山西麓又西為鴨踏嶺嶺下為石塢中產文石其南有寶華山長旂嶺其東有感慈塢又東為吳山其南有桃花塢臨太湖白楊灣與吳江分界

楞伽山一名上方山在吳山東北上有浮圖東南麓有丁家山唐人丁公著父喪負土成墳故名其北為寶積山又北為吳王郊臺東北為茶磨山


黃山在茶磨山北四里胥塘之北諸峯高下相連俗稱筆格山周必大遊山錄謂有法雲寺及浮圖今皆無靈巖山在府西南二十五里一名硯石山越絕書云吳

人於硯石山作館娃宮即其處也續圖經云山西有石鼓故又名石鼓山登其巔俯瞰具區烟濤浩渺一日千里而碧巖翠塢點綴滄波之間誠絕景也續圖經云山

頂有三池月池研池玩華池雖旱不竭昔吳王置離宮於此有琴臺館娃宮西施洞響屨廊吳王井遺蹟其石壁峭拔者為佛日巖平坦處有靈巖寺康熙二十八年

聖祖仁皇帝南巡幸此

穹窿山續圖經云在縣西南六十里兩嶺相趨名曰同嶺產自然銅又曰銅嶺越絕書云赤松子採赤石脂於此又神仙傳秦穆公魚吏赤鬚子食柏實石脂絕穀後往吳山升仙去即穹窿山也山高而平其頂方廣可百畝半山有泉名法雨可以灌田東嶺下有盤石高廣丈許相傳有朱買臣讀書臺其北有紫藤塢百丈泉



香山在府西南七十里北連穹窿山南近太湖為胥口  
吳地志云吳王遣美人採香於此或云種香處下有香  
水溪今名箭涇

洞庭西山在太湖中一名包山又名夫椒山漢書云下  
有洞穴潛行水底無所不通號為地脈故謂洞庭山道  
書以為第九洞天周廻百三十餘里重岡複嶺縈洲曲  
漱諸峯無不奇挺而縹緲峯為最高緣山擇勝名利凡  
十有八而林屋洞毛公壇桃花塢消夏灣崦裏諸迹尤  
著中涵綠野自成村聚居人以桑柘橘柚為常產每秋  
高霜餘丹實與茂林相差於巖壑間望之若金翠圖繪  
云林屋洞有三門同會於一有金庭玉柱又有石鼓石

鐘其聲清越漢劉根於此學道以洞故一名林屋山西  
洞庭之北曰橫山曰陰山晉陰長生煉丹處東為禹期  
山或云禹會諸侯於此南有大雷小雷五湖賦云大雷  
小雷湍波相逐又有金庭玉柱等山

洞庭東山亦在太湖中周六十餘里史記謂之莫釐山  
相傳莫釐將軍居此廬志一名胥母山越絕書云闔閭  
旦食於紐山晝行於胥母是也以洞庭在西故今稱為  
東洞庭視包山差小而岡巒起伏廬聚物產大畧相似  
論者謂稍遜西山之清潤云其東麓曰武山本名虎山  
吳王養虎於此西南曰三山有三峯相連昔有稱此湖  
為三山湖者以此又有澤山厥山

以上吳縣

明王鏊洞庭

兩山賦并序

楚之湖曰洞庭吳之山亦曰洞庭其以相

庭巴陵地道潛達傍通是未可知也而吾洞庭實兼湖

山之勝始山特為幽人韻士之所棲靈山佛子之所宅

至國朝名臣徹爵往往出焉豈湖山之秀磅礪鬱積至

是而後泄於人耶東岡子曰山川之秀實生人才人才

之出益顯山川顯之維何蓋莫過於文兩山者秘於古

而顯於今其實有待于無庸辭余曰然乃為之賦其詞

曰吳越之墟有巨浸焉三萬六千頃浩浩蕩蕩如滄溟

澗潮之茫洋中有山焉七十有二渺渺忽忽如蓬壺方

丈之彷彿日月之所升沉魚龍之所變化百川攸歸三

州為界所謂吞雲夢八九於胸中曾不帶芥者也客曰

試為我賦之夫太始沕穆一氣推遷融而為湖結而為

山爰為羣峯散見叠出於波濤之間或現或隱或浮或

沉或吐或吞或起或如人立或如鳥竊或如龍鼉之曝或如

虎豹之蹲忽起二峯東西雄據有若巨君彈壓臣庶又

若大軍之出千乘萬騎旌幢寶蓋繚繞奔赴東山起自

莫釐或騰或倚若飛雲旋旋或起或伏若驚鴻翥鳳不知

幾千萬落至渡渚迴翔而北折試嘗與子登高眺望近

則重岡復嶺岷岷呀摩豁紫洲狂瀝蟹蟻緬邈遠則烟蕪

渺瀾天水一碧帆影見而忽無飛鳥出而復沒靈巖則

返照孤稜弁山則輕烟一抹此亦天下之至奇也若乃

長風駕浪故山欲野足使人魂驚而汗駭及其風日晴

熙穀紋漣漪又使人心曠而神怡至於瑤海上月流光

萬頃星河倒懸盪漾山影又一奇也風雨晦明頃刻異

烟雲變滅咫尺殊狀雖有至巧莫能為像試嘗與子弔

古尋幽則有迴巖穹窿窈窕玉柱石函寶書靈威丈人之

壽藤靈藥美箭長松金庭玉柱石函寶書靈威丈人之

江南通志 卷十一 輿地志 山川 蘇州府

庚嶺梨美張谷雨前芽茗蟄餘萌竹水族則時裏之白  
 瞻殘之銀鮪鱸鮒鯊自昔所珍吾且與子摘山之毳掇  
 野之茸割湖之鮮釀湖之醴泛白少傅月夜管絃之舟  
 扣天隨子太古滄浪之歌弔吳王之離宮叩隔凡之靈  
 窩凌三萬頃之瓊瑤覽七十二之嵯峨其亦足樂乎彼  
 岳陽彭蠡非不廣且大也而之巍峨之氣天台武夷非  
 不高且麗也而無浩渺之容蓋物不兩大美有獨鍾茲  
 謂人間之福地物外之靈峯是固極遊觀之美而未  
 造化之工且夫天地之間東南為下非是湖為之尾閭  
 洩之瀦之則汎濫橫溢江左之民其為魚乎懷襄之世  
 湖波震蕩非是山為砥柱鎮之繞之則奔激暴嚙湖東  
 之地其為沼乎唯夫天作之寬以納以容地設之隘以  
 襟以帶禹順其流分疏別派三江既入萬世永賴而後  
 吾人乃得優游於此蓋至是而始知造化之意深神禹  
 之功 **七十二峯記** 太湖融為諸山湖之西北為山十有  
 四馬蹟最大又東為山四十有一西洞庭最大又東為  
 山之茂林平野間巷井舍仙宮梵宇星布碁列馬蹟之北  
 津里夫椒為大夫差敗越處也西洞庭之東禹期龍山  
 其北橫山陰山葉余長沙山為大長沙之西衝山漫山  
 為大東洞庭之東武山北

為大此上有居人數百家或數十家馬蹟兩洞庭分時  
 湖中其餘諸山或遠或近若浮若沉隱見出沒於波濤  
 之間馬蹟之西北有若積錢者曰錢堆稍東曰大帆小  
 帆與錫山若連而斷舟行其中曰獨山有若二鳥相向  
 者曰東鴨西鴨中為三峯稍南大墮小墮與夫椒相對  
 而差小為小椒為杜圻范蠡所嘗止也西洞庭之北貢  
 湖中有兩山相近曰大貢小貢有若五星聚曰五石浮  
 日菴浮曰思夫山有若兩鳥飛且止者曰南鳥北鳥其  
 西兩山南北相對而相見即有風雷之異曰大雷  
 小雷橫山之東曰干山紹山曰曠浮曰東獄西獄世傳  
 吳王於此置男女二穢也其前為粥山云吳王飼囚者  
 也有若琴者曰琴山若杵曰杵山大竹小竹與衝山近  
 若物浮水面可見者曰長浮瀨頭浮殿前浮與龜山相  
 對而差小者為龜山有二女媚好相對曰謝姑有若立  
 柱巖岸者玉柱稍却金庭其南為咳山為歷耳中高而  
 旁下者筆格驤首若逝者石蛇有若老人立石公石蛇  
 石公石最奇與龜山龜山南北相對曰鼉山旁曰小鼉  
 若螺者青浮二鼉之間若隱若見曰驚籃東洞庭之南  
 首銳而未岐者曰箭浮若屋欹者王舍浮苧浮又南為  
 白浮澤蕨之間有若笠浮水面者翳帽有逸於前後追  
 而及之者貓鼠有若碑碣橫者曰石牌是 **蔡羽銷夏灣**  
 為七十二然其最大而名者兩洞庭也

記山以水襲為奇水以山襲尤奇也再襲之以水又襲之  
 奇銷夏灣是也灣去郡城且百二十里春秋時吳子常  
 從避暑因名銷夏自吳迄今垂二千年遊而顯者不調  
 三五輩其不為凡俗所有可知已湖之山莫大於包山  
 山之峯莫大於縹緲峯高不知其幾里袤五十里有奇  
 峯之南水道三十里為茗溪其弗能與茗溪參者諸巒  
 抱其外也茗之北舟行三十里以求縹緲峯其弗能與  
 縹緲峯直者亦諸巒為之拒也四面峯巒交萃獨以一  
 面受太湖其中虛如抱甕其南列門闕焉由門闕東西  
 盼西為龍頭山其次為小洞庭為石蛇為舍為蕪為鼠  
 關之石不得而名焉東則大小明月灣為石公為澤為  
 蕪為三山不得而名焉明月之灣其背為梭山厥土墳  
 墟厥產林檎鴨脚櫻桃柚柿梨棗龍頭之背為圻村厥  
 土白礫厥產玉石盧橘當銷夏之腹印浮其上乍有乍  
 無為眾安之洲帆落洲上則四面環合為屏為翰聳妍  
 效譎以與縹緲相拱峯之巔有草無木其麓多木無草  
 丹宮梵室蒙蔽林霏鐘鳴鼓應然後知仙釋之廬魚行  
 鳥過形影交徹帆翔其上而莫之知避也夫天地既異  
 而處其僻信乎遊者之難至矣向使移而置之附郭則  
 撰壺觴秣車馬者日不暇給豈獨為吾灣哉人將儻乎  
 劍負以趨萬物失所矣夫造化無意者也設是灣如有

意鬼神之能不得而與非冥契其事孰能樂之嗚呼非  
 惟世之人不得而樂灣之人亦莫得而樂也余世居灣  
 上有所獨得私志之

龐山在吳江縣東南三里其北即龐山湖

虞山在常熟縣西北里許虞仲居此故名海虞或云海

嶠亦名海巫又名烏目皆此山也雖無峯巒而蜿蜒起

伏畧如臥龍今縣跨山為城分踞巖壑城內有仙人洞

城外有拂水巖崖石陡峻水奔注如虹凌風飛濺最為

奇勝山陽有寶巖灣山陰有桃源洞又有三沓石與石

城石門諸峯錯峙下有石壇

破山在常熟縣虞山北六里相傳龍鬪而山破故名上

有鬪龍澗傍有硃沙洞放生池東北有空心潭又有舜



井

頂山在常熟縣破山北十二里上有齊女峯相傳齊景公女葬此又有白龍池水簾洞南有烏目澗皆虞山之別峯支嶺也

福山在常熟縣西北四十里俯臨大江與通州之狼山相望境特雄本名覆釜唐改爲金鳳五代吳越改今名山麓有東嶽行祠

壽山在常熟縣西北四十里與福山相連北濱大江又名陶山

河陽山在常熟縣西北四十里一名鳳凰山高一百二十丈上有秀峯醴泉又有梁時古檜及唐狀元陸器讀

書臺

志山在常熟縣與河陽山相峙按盧志居民鑿池得唐斷碑有鷺山之語則志當作鷺

塔山俗呼箬帽山在河陽山南晉處士夏統宣城太守邴臻嘗居此

范山在常熟縣北三十六里相傳梁范冀兄弟居此故名

常熟山在常熟縣北三十七里本名銅官或云洞觀唐改今名

石家山在銅官山北

茯苓山在常熟縣西北六十五里下有龍潭石闌猶存

相傳舊產茯苓故名

宛山一名苑山在常熟縣西五十里產石堅潤可爲硯  
顧山在常熟縣西北五十里連無錫江陰二縣界俗呼  
三界山亦曰香山

烏邱山在常熟縣東南二十七里去崑承湖三里或作  
塢山

秦柱山在崑山縣東南三十里按圖經秦柱山在海鹽  
縣東南三十里而寰宇記又云縣南三十里有秦柱山  
又吳錄云一名秦望山秦始皇登此望海故名盧熊志  
云今千墩寺佛殿有山高二丈者是或以千墩去海甚  
遠雖陵谷變遷古今不一未敢信其必然也又東山在

縣東南車塘里宋范良遂讀書築亭其上扁曰墨莊

馬鞍山在新陽縣西北廣袤三里高七十丈孤峯特秀  
極目湖海上有慧聚寺又有華藏寺及浮圖七級玉泉  
井大小石浮圖南有桃源洞北有鳳凰臺西有一線天  
東有東巖又有紫雲巖桃源洞長陽洞文筆峯始縣以  
崑山得名今崑山割隸華亭縣界遂呼馬鞍山爲崑山  
產玲瓏石康熙四十四年

聖祖仁皇帝巡幸登文筆峯因建

皇殿於上

大海在昭文縣東百里自白茆港口而下爲江海交會  
處

三江一名三江口在府東南三十里舊說東江松江婁江皆自太湖分流今由吳江縣東北流經長洲崑山東入嘉定界者為松江一名吳淞江自吳縣北入運河經郡城東過崑山至太倉州境者為婁江唯東江不可考或以黃浦當之詳見河渠志 以上係吳縣

姚城江在吳江縣東南三十里由松江分派以達於白蚬二江吞吐衆流經鼃蕩入澱山湖凡三十餘丈

大江在昭文縣北西接江陰之涸瀆浦東至太倉界之撐脚浦福山港居其中北對通州狼山最稱險要

新江在崑山縣宋嘉祐間所開其西接松江南入陳湖北入鰻鱺湖又有四十二浦西北之陽城南之澱山湖水皆納焉

新洋江在新陽縣出自松江而流於橫塘通小虞浦大虞浦

吳淞江在新陽縣南九里

運河在震澤縣南自嘉興石塘北流經郡城為胥江為南濠又北繞白公堤出望亭入無錫界續圖經謂之邗溝按隋開江南河通龍舟以巡會稽即此河也

陽城湖在府東北二十里所納之浦凡十視諸湖蕩為大東為包湖為傀儡蕩二水與陽城合而為一又東為巴城湖北為鰻鱺湖施澤湖

沙湖在府東二十里一名金沙湖湖雖小而與吳淞江

諸水吞吐有青邱戴墟二浦 以上長洲縣

澹臺湖在府西南十八里太湖之東史記云澹臺子羽南遊至江索隱注吳國東南澹臺湖即其故址吳地記以為子羽宅所陷自此東經寶帶橋入運河分流入黃天蕩及陳湖又東為獨墅諸湖又東為尹山諸湖

尹山湖在府東南二十里尹山市東北

漕湖本名蠡湖在府西北四十里寰宇記云范蠡伐吳開蠡瀆通此故名其稱漕湖不知何始或以其通漕運故也唐書地理志云元和八年孟簡開太伯瀆并導蠡湖故以瀆為孟瀆湖為孟湖其實古之蠡湖也其東有蠡口湖之西屬無錫而其浸皆在長洲 以上元和縣

太湖在府西南三十餘里禹貢謂之震澤周官爾雅謂之具區國語史記謂之五湖其實一也越絕書云太湖三萬六千頃水經注韋昭云方圓五百里踞蘇常及湖州三郡地中有七十二山居民環匝北有百瀆納常潤諸郡之水南有諸瀆納天目宣歙諸山之水為東南巨浸楊修五湖賦云頭首無錫足蹄松江負烏程於背上懷大吳以當會數言可作圖經也昔稱五湖多異說不足據然今亦有菱湖莫湖游湖貢湖胥湖五湖又有梅梁金鼎東臯里等名而統曰太湖其水由長橋口注松江東入於海 附明王鏊五湖記吳郡之西南有巨浸焉廣三萬六千頃中有山七十二襟帶三州東南之水皆歸焉其最大者二一自寧國建康等處入溧陽迤邐至長塘并潤州金壇延陵

丹陽諸水會於宜興以入一自宣歙天目諸山下杭之臨安餘杭湖之安吉武康長興以入而皆由吳江分流以入海一名震澤書所謂震澤底定是也一名具區周禮職方揚州之藪曰具區山海經浮玉之山北望具區是也一名笠澤左傳越伐吳吳子禦之笠澤是也一名五湖范蠡乘舟出五湖口太史公登姑蘇臺望五湖是也五湖者張勃吳錄云間行五百里故名虞仲翔云太湖東通長洲淞江南通烏程霅溪西通宜興荆溪北通晉陵太湖東連嘉興非溪水凡五道故謂之五湖陸魯望云太湖成池五車之氣故一水五名然今湖中亦曰有五湖曰菱湖莫湖游湖貢湖胥湖莫湖長山之東周五餘里曰菱湖其西北周五十里曰莫湖長山之東周五十里曰游湖沿無錫老岸周一百九十里曰貢湖胥山之西南周六十里曰胥湖外又有三小湖夫椒山之東曰梅里湖杜圻之西魚查之東曰金鼎湖林屋之東曰東臯里湖而吳人稱謂則惟曰太湖云爾

陳湖在府東南三十五里曠野之區接崑山縣界

石湖在府西南二十里白洋灣所匯也界吳縣吳江之間有茶磨諸峯映帶頗為勝絕吳郡志云范蠡從此入

五湖處宋叅政范成大居此孝宗書石湖二字賜之其

東一溪北流橫塘曰越來溪與木瀆水合出橫塘橋東

入胥門外運河為胥江亦曰胥塘北流閶門運河曰綵

雲港白橫塘北入運河曰洞徑胥塘之水又會為沙溢

潭與虎邱山塘水合曰射瀆相傳吳王嘗射於此亦名

石瀆又北為長蕩轉入婁江

胥口自太湖東出於香山胥山之間又東為木瀆香水

溪在焉又東與越來溪會曰橫塘 以上吳縣

鮎魚口在吳江縣太湖之北北流經鱸塘入盤門運河

東至分水墩東流入長洲界為柳胥港即夾浦轉入澹

臺湖南流入吳江縣界為龐山湖



龐山湖在吳江縣自分水墩南流入甘泉橋匯於此其下流爲黎湖菱湖葉澤湖新湖葉湖之東爲九里湖亦名同湖急水港杓頭潭清水蕩在焉

澱山湖在吳江縣界長洲崑山之間吐納東南諸水玉峯續志云湖屬華亭惟北岸隸蘇郡其北爲范青漾爲度城湖北入新洋江

汾湖在吳江縣一名分湖以分屬吳江嘉興也其東流入謝宅蕩葦菜蕩南陽港又東通三泖入華亭界北入三白蕩

鶯脰湖在震澤縣西南其源自天目東流至荻塘會爛溪水併出平望匯於此以其形似鶯脰故名亦名鶯鬪湖又有震澤湖唐家湖蠡澤湖沈張湖並在縣治崑承湖在常熟縣東南五里日無錫以東長洲以北之水匯流於此

泺溪在震澤縣西南西受烏程諸水東分爲橫古塘又東合於南海荻塘會十四港以入於湖

白茆港在昭文縣東七十里自縣城內運河分流西合山塘尚湖崑承諸水東至沙營塘吳中諸水北流者皆由此以達於海宋明至今相繼修治詳見水利

許浦在常熟縣北七十里西接梅李塘會崑承諸湖水以達於海宋季宗時設水軍寨於此又黃泗浦蔡浦在縣西北俱西接江陰北入揚子江

七浦在昭文縣一名七浦塘一名七鴉浦洩陽城諸湖之水以達於海

千墩浦在崑山縣東南四十里新洋諸江之水匯流於此接吳淞江入海明永樂中太常少卿袁汝奉詔浚之今南流注於澱山湖

黃涇在昭文縣北自陳家市南流至七星橋又新開洪西自七星橋沿湖港至沈浜東流入白茆港

耿涇在昭文縣坊浜流至大江口

琴川在昭文縣治橫港七派如琴絃然皆發源虞山東注運河今多湮塞按述異記云梧桐園在吳宮本吳王夫差舊園也本名鳴琴川後省鳴字沿稱至今

松江府

崑山在府西北二十三里長谷之東陸氏之先墓此世謂山因二陸如玉出崑岡得名然士衡詩已有婉孌崑山之語則山名已在前山形圓秀而潤傍無附麗望之如覆盎然其上有三聖閣下瞰大泖在几席間山陰有二陸故居初梁時置崑山縣遂誤以馬鞍山為崑山其實崑山在華亭不在彼也松人反以小崑自名山有九峯九峯者一鳳凰二陸寶今以厓公當之三余四細林五薛六機七橫雲八干九崑也在唐宋未名自元凌崑作九峯詩楊維貞陶宗儀亟稱九峯於是大著以上華亭縣

橫雲山在崑山東北本名橫山唐天寶中易今名或云

以陸士龍名也其巔有白龍洞潛通澱湖深不可測下有祭龍壇歲旱禱焉

小橫山顧志云在橫雲東中限一水隆然而興由絕頂至東北皆峯巒隱起壁立數仞色盡赭人呼爲小赤壁盡壁斬然一罅如虎邱試劍石狀前有石可踞而坐下瞰小澗亦九峯奇絕處也陳志云山之麓有小山招隱元孫稷所居又傳有僊雲館凝翠軒爲蘇東坡遊賞處今廢

機山顧志云在橫雲後南北相望以陸機得名山下有平原村亦以機爲平原內史也前有陂澤人家散布汀岸若圖畫

干山在機山東九峯中最爲高大或傳干將會此鑄劍舊圖經則云有干姓者居此故名又以形如天馬稱爲天馬山上有浮圖七級登覽者極江海之觀山頂有雙石魚相傳風雨化去其脅有泉掬以頰面能明目

鍾賈山在干山東一水左限沈涇塘與廬山對峙相傳以鍾賈二姓居此得名又名中介山以介在九峯間也廬山在沈涇塘疑亦以廬姓得名以上婁縣

柘山在金山縣柘湖中湖已涸山在平陸生柘樹因名鄉人祠三姑之神於此

秦山在金山縣張堰鎮西俗謂秦皇曾登此望海故又稱秦望山山之陽有仙人洞



查山在金山縣張堰南稍東去秦山十餘里舊名遮山  
錢袞定為查據集仙外傳云查玉成煉丹海上小山  
今山臨海上有浴丹井而鄉名又曰仙山其當為查無  
疑也

金山在金山縣海水中舊志云去府九十里周康王嘗  
於此築城其北即古之海鹽縣後淪於水山有平坡可  
坐其北有寒穴泉明初設衛於華亭以金山為名又小  
金山亦在海中元楊維貞云淞之南有大金小金出沒  
於雲海之中者是也又金山東有許山西有浮山勝山  
又有竹嶼山達岸山蘇山羊山西北距金山衛七八十  
里皆在海中而羊山為尤大

澱山在青浦縣舊通志云在薛澱湖中山形四出如鰲  
上建浮圖下有龍洞云通太湖山屹立湖中今山在平  
田去湖益遠向有十景俱廢陳志云又西北一小山  
皆石骨名箕山

細林山在青浦縣舊名神山唐天寶間易名細林元時  
仙人彭素雲宅此昔有神鼉仙館四字筆法奇異或云  
呂純陽書明錢溥有細林八景詩甘白泉在東麓

簡文帝細林山銘神山本名秀林山或稱長山在華亭

方雖非巨麗未經標品而自古神仙往往托跡實震旦  
之靈阜也余以幾暇結駕游衍覽茲佳勝睠焉有懷乃  
作銘曰閣號天井山稱地維碧雞金馬越瀆梁池懷靈  
蘊德孕寶含奇此亦仙岫英名遠攤昔有鶯窟不燒淨  
土邁彼高蹤構茲法宇引葉成帷即樹為柱石砌危橫  
崖塔斜豎白蠟途遠丹源路深長林萬頃偉木千尋竹

窓看博松間聽琴捐  
氛蕩累散賞娛襟

奈山在福泉縣舊傳有奈姓者養道於此故名按吳興志亦有奈山上有東漢奈將軍廟好事者遂指此為東奈云其高與干山等東西二峯延亘數里招提蘭若隱見其中望之穠郁深秀明陳繼儒施紹莘隱此土宜茶有泉名洗心甚清冽產筍香如蘭康熙五十八年

聖祖仁皇帝南巡

賜御書蘭筍山三字額懸於宣妙寺

薛山在福泉縣奈山東中限一水吳地記云昔薛道約居此因名嘗掘地得石誌曰玉屏山形亦肖故又稱玉屏山下有羅池產藕甚佳今池已竭

鳳凰山在福泉縣圖經云山之鎮曰鳳凰以其據九峯之首延頸舒翼宛若鳳翥故名東枕通波西連玉屏修峻特起羣山拱揖左有青壁高數十仞勢如削成其上多虬松古藤

庫公山在福泉縣鳳凰山南昔有庫公隱此得名陳志云土宜益盎可栽蘭竹

陸寶山在福泉縣本陸氏家山界鳳凰玉屏之間向列九峯之一後以取土夷為平陸

簞山在福泉縣鳳凰山北顧會浦東距府三十六里上海之境自此始嘉禾志作竹簞俗呼北簞又訛為北干以南有干山也舊云土宜美箭故名或傳產鐵今皆無

山有玉寶泉甚清冽有雨華洞宋張頭陀隱居於此今塞

福泉山在福泉縣斡山北以有美泉得稱山下皆黃土青浦分縣為福泉以此名

大海環府之東南二境淞江與黃浦會而入焉其會處曰蹠口其南與紹興寧波相望耆老云深夜籟寂時越

中鷄犬之聲相聞今天日晴明南岸諸山皆歷歷可指自金山東過勝山為南洋又東至洋山又東南為南大

洋北至高家嘴為蘇州洋又東為東大洋宋元間諸番貢道皆由青龍市舶司今於上海設海關

松江在府北七十四里上海縣界府因以名一名吳淞

江亦曰松陵江其源出太湖自吳江長橋東流至尹山


北流至甫里東北流至澱山北合趙屯浦東合大盈浦

又東合顧會浦崧子浦盤龍浦凡五大浦至宋家橋東

南流與黃浦會而入海將入海別為滬瀆在上海縣北

十里上有城壘附宋葉清臣松江賦澤國秋晴天高水

寒清宿游具區之野縱汎吳淞之孺東瞰滄海西瞻洞庭  
庭檣葉微下斜陽半明樵風歸兮自朝暮夕溜滿兮誰  
送迎浩霜空兮一色橫霽色兮千名於時積潦未收長  
江無際澄瀾方興扁舟獨詣社橘初黃汀葭餘翠驚鷺  
朋飛別鵠孤唳聽漁榔之遞響聞牧笛之長吹既覽物  
以放懷亦思人而結執若夫敵寇初平霸圖初盛均憂  
待濟同安則病魚貪餌而登釣鹿走險而忘命一旦辭  
祿揚舲高泳功崇不居名存斯令達識先明孤風孰競  
又若金耀不融洛塵其蒙宗城寡捍王國爭雄拂衣洛  
土震耀江東拖翠綸兮波上贈蟬翼兮梓中倘卽時之  
有適遑我後之為恫至如著書笠澤端居甫里兩漿汀  
洲片帆烟水夕醉酒壚朝盤魚市浮游塵外之物嘯傲



人間之世富詞客之多才劇騷人之清思緬三子之清  
嶽諒隨時之有宜非才高見棄於榮路乃道大不容於  
禍機申屠臨河而蹈壅伯夷登山而食薇皆有為而然  
爾豈得已而用之別有執簡仙瀛持荷帝柱晨輶史氏  
之筆暮拂使臣之斧登覽有澄清之心臨遣勅光華之  
賦何從欲之流滋慰遠遊之以懼肇提封之所履屬方  
割之此憂將濟流而匯川其拯濟乎疇疇轉白鶴之新  
治據青龍之上游濯埃垢於緇袂刮病膜乎昏眸左引  
任公之釣右援仲由之桴思勤官而裕民乃善利之遠  
猷彼全身以遠害蓋孔臧於自謀鮮鱗在俎真茶滿甌  
少回俗士之駕亦未可為茲江之羞

國朝任辰旦吳淞江賦并序

蓋三江為禹治南條之一也按諸

水利實綦鉅焉嗣迺與廢靡常累臻平陸自  
國朝受命以來江南卿大夫皆名賢諮濬故道規畫咸備厥  
功茂矣及余筮仕申江復奉令而踵成之爰為之賦其  
辭曰 亶禹迹之遠敷觀江流而思邈行壙垠於平沙  
啟辰曜而光矚匝三吳以運靈泉流奔匯而注之壑爾  
迺瀉具區之橫波開天臺之筦鑰納銷夏引松陵合薛  
澗繞茸城三泖就谷長蕩迅騰激浦下潤風濬地行以  
暨青龍白鶴之派羣分條縷莫不趨焉而共寧况乎月

盈而潮汐溇乾而放盈可瀆瀕以當雨抑陂障以衛耕  
溉田疇之繡錯利帆楫之舟乘舳舨舳舨之接榜稼禾  
華實之滋榮是誠南州之普澤而吳會之弘津也當夫  
四序之代移所在靈源之各適漲濱澳於桃花盪炎景  
於神宅蒲苻延青芷蘋搖白魚火羅星連歌起拍旋且  
白帝降而寒澄元女翔而凝澤揚水窟之商颺濯蘆洲  
之蟾魄西爽清肅而水下朔風互列而冰積托神理於  
連漪咸順令而應節歎觀瀾之變遷逝如斯而不息爾  
乃鷗駭鷓鴣雞鵠之羽殊干名以應化鱖鯪鱸鱻鱻  
之鱗辨萬族以隨時芣螭龜貝螺之異種虬蛇蛟蚌  
理豕之離奇洵稱寶藏不測之府皆紛蕃詭誕而莫能  
知若夫陽侯列陣江妃奮武風烈雷殷砂簌雲聚濤翻  
駕電之輪浪拊靈鼉之鼓激湍激湍以駭目涌汗洗澤  
以肆怒隄岸於焉若撼客子於焉慄股斯又塹險之巨  
浸為益土者責永祜惟是  
皇清定鼎上聖下賢習坎向離括坤包乾既河清而海宴方  
祥集而瑞全文教丕播於海童豐功昭格於水仙  
則江靈之効命以朝宗固將配有夏而億萬斯年  
青龍江在福泉縣東北吳志云孫權造青龍戰艦於此  
故名昔通滬瀆入海浩瀚無涯韓世忠曾駐軍於此其



上爲巨鎮置市舶司其佳麗擬於杭州元以後江旣阻  
隘鎮亦遂廢明嘉靖間建青浦縣於故址之西後徙今  
猶稱舊青浦

日月河在府城中普照寺南古讖云日月河通出狀元  
河久湮塞明代成化間知府樊瑩濬之錢福果狀元及  
第後復淤萬曆間知府許維新又濬之張以誠狀元及  
第

倉河在普照寺後明代軍儲北倉在其陽故名西南通  
豐樂橋東北通波塘與邱家灣水合

玉帶河橫貫府學中如帶故名其源自仙鶴西北行轉  
而東與集仙門水合

運鹽河在金山縣自城北流至張涇橋與城河接長六  
十三里凡西南諸水皆由之以入於浦按府別有運鹽  
河在青村西又東運鹽河在亭林南

舊西湖在府西本名瑄湖因陸子璋養魚池故名相傳  
葛稚川嘗煉丹其上故湖中嘗有五色泉郡人見之必  
擢高第王安國梅詢許尙俱有題詠後跨一石梁其上  
卽所謂瑄湖橋 以上華亭縣

柘湖在金山縣運鹽河見古蹟

鶯竇湖在上海縣西南五十五里周五里舊有邢竇二  
姓居此故名今已淤塞訛爲櫻桃匯一作鶯脰湖

薛澱湖在青浦縣一名澱山湖以中有澱山也其源自

長洲白蜺江經急水港而來周圍幾二百里實古來鍾水之地北由趙屯浦東由大盈浦入於松江東南由爛路港以入三泖

蓮湖在青浦縣境東通澱山西通金澤塘

三泖在金山縣太史公云泖之為言茂也晉陸機對武帝云三泖水冬溫夏涼有上中下三名又曰圓泖太泖長泖又谷水一名華亭谷吳地記謂陸氏世居於此故名機詩所謂髣髴谷水陽者是也其西南受浙西諸水西北受澱湖諸水由華亭界入於黃浦論者以為即三泖故谷水又一名谷泖云

橫泖在福泉縣自北曹港分支經唐行鎮絕大盈浦東

流為東橫泖為橫塘入盤龍浦

南澹浦在上海縣東北三十六里其支流為東溝浦西

溝浦

都臺浦在上海縣鹹塘東故曹家溝也明天順中巡撫

都御史崔恭所濬上有行臺因名

黃浦在南匯縣西六十里戰國時楚黃歇所鑿土人因

稱為黃浦一稱春申浦其首曰潢潦涇上源為黃橋斜

塘為三泖為澱湖為急水港為白蜺江其下流經奉賢

南匯上海之境而北會吳淞江入海名上海浦此水視

淞婁二江為大故論者以為即古之東江云海潮一日

二至從浦出入詳見水利

趙屯浦在福泉縣澱山湖北舊直受湖水瀉於松江其  
闊至五十丈通江五大浦之一也今自北曹港分支北  
流愈北愈隘浦口束以石梁僅通舟楫而已  
大盈浦在福泉縣澱山湖東起自南曹港口北與北曹  
港合過青龍江又過白鶴匯入於松江  
顧會浦在福泉縣大盈之東其上源曰通波塘出府城  
北流爲祥澤塘遂別爲崧子浦至上海縣界合青龍江  
入於松江自青龍江旣微而其流遂入於泖盤龍浦亦  
然

崧子浦在福泉縣舊名崧塘自顧會浦分流注於松江  
盤龍浦在福泉縣崧子浦東其上流曰盤龍塘自府城  
東北流入於松江其入江處曰盤龍匯介華亭崑山之  
間步其徑纔十許里而廻旋迂緩逾四十里如龍之盤  
故名

青村港在奉賢縣南橋塘東達於縣城

龍泉港在奉賢縣招賢涇東

悉水港在青浦縣西南五十里長二十餘里濶處至三  
十丈西接吳江白蜆江乃東江之上流也

南曹港在福泉縣卽舊鹹魚港自澱湖東南何家港東  
流納龍河水東北爲斜瀝入北曹港又東北爲大盈浦  
南接柘澤東爲諸家塘

北曹港在福泉縣西南與崑山分界西合何家港三分

蕩斜瀝港諸水東過縣城入橫泖一支北為新河入趙屯浦一支入大盈浦自蕩而東至西虹橋皆宏闊迅駛湖水賴以宣洩

白龍潭在府西谷陽門外廣可十餘頃相傳有龍蟄其下水深而清可淪可釀歲旱禱之有應

泗涇自祥澤塘北折而東合盤龍塘又北東為蒲匯塘元時為水道之要今皆淤淺

以上婁縣

奉賢涇在奉賢縣洮港東北流入運港華亭分縣為奉賢以此名

招賢涇在奉賢縣奉賢涇東

從令涇在奉賢縣橫瀝東

朱涇在金山縣承嘉善平湖長泖諸水貫市橋東流水勢湍悍東為橫涇又東為蕩涇其北流者入於橫潦涇歸涇在金山縣胥浦塘北

新涇在福泉縣橫灤東古名新涇浦南通蒲匯塘北入松江其支渠甚多

巨漕在奉賢縣南橋塘北

范家浜在上海縣東即大黃浦明尚書夏原吉所開

馬家浜在上海縣南通都臺等浦西入吳淞江東北至界浜與嘉定分界有寶鎮堡在焉

張堰在金山縣北





江南通志卷十二終

江南通志卷十三

輿地志

山川 三 常鎮淮三府

常州府

橫山在府治東北三十五里舊曰芳茂山晉右將軍曹橫葬此因易今名而芳茂特爲一峯之號風土記又謂之大橫峴北五里曰三山三峯相連中一峯尤峻拔又十里曰高山俗名舜山

孟城山在府北八十里或云晉孟嘉嘗隱於此俯瞰大江孟河經其下入江山相近有嘉山山有白龍潭鄉人歲旱禱雨於此孟河東有黃山亦臨大江

黃公山在府治東南八十里相傳為楚黃歇封地又南有章山又東南有龜山又南有梅堂山以上武進縣官長山在府東南其峯雄冠諸峯若官長然故名上有龍泉仙人洞獅子巖

夾山在府治東南七十里中包秦陽三小山因名半屬

江陰北門外今谷而茂數許一峯之巖土山又臨

馬跡山在府治東六十里太湖中其西麓地名西青石壁屹立下有四穴圓徑盈尺深六七寸水落則見相傳以為神仙馬跡云

夫椒山馬跡之從山也東曰夫南曰椒春秋吳敗越於夫椒即此

津里山與馬跡山相連舊名秦履山相傳始皇嘗自夾山登此唐邵偃記云山連馬跡夫椒峯巒圍合波影映帶實為奇觀按江陰縣西南二十里有秦望山俗稱茶岐山蓋即此山也以上陽湖縣

錫山在無錫縣西五里惠山之支隴也陸羽志云山東峯當周秦間大產鉛錫漢興始殫遂以名縣山下有錫山澗流第二泉之水

惠山在無錫縣錫山之西一作慧一名古華山又曰歷山又名西神山山有九隴蜿蜒如龍故又名九龍山南北連亘百餘里磅礴甚遠舊志謂其北十里為龍山者誤也山上為九峰下有九澗有惠山寺第二泉在焉其

第七峯爲石門水簾洞在焉第二泉之上有若水洞深不可測或云泉發源於此有方圓二池其中相通而圓池最佳以唐陸羽所定故又曰陸子泉暗渠東出流分爲二一下雙河一入梁溪泉上有亭康熙二十三年

聖祖仁皇帝南巡駐蹕汲泉先進

兩宮然後酌而嘗之二十八年

聖駕自浙還復臨泉上

御書品泉字命諭德秦松齡刻於漪瀾堂

賜秦氏寄暢園二額一曰山色空光一曰松風水月山西北爲

龍尾陵道楚春申君所築上有白龍潭惠山之陽爲青

山粲山章山墨潭山上有石池其水如墨又南爲唐山

歷山名爲華峒口在無錫縣惠山南二十里其西有柯

山風土記云吳仲雍六世孫柯相所治與歷山相望俗

舍名曰舜柯山按漢志無錫有歷山春申君祠正謂今

之惠山也後代乃指此爲歷山耳

獨山在無錫縣西南十八里東爲五里湖西爲太湖其

三面皆山而勢不相屬故名北與管社山相望爲浦嶺

門南與充山相望爲獨山門凡梁溪之水入五里湖而

西皆由二門以入太湖又獨山西曰三山亦在湖中

橫山在無錫縣西南二十里東與龍山勢若相附而中

斷爲平疇通華峒口梁溪入太湖之所經也其下有太

小澗名盤龍南有鎮山鎮山東有管社山南入於湖

寶界山在無錫縣西南二十五里一名漆塘山東盼五里湖西臨震澤上有通惠泉太白老人躍鯉諸峰宋知州錢紳卜築於此其南爲大浮山東南爲石塘山下卽石塘枕長廣溪

路耿山在無錫縣石塘山北於羣山中特高上有石池不盈不涸前長廣溪後太湖左五里湖良爲勝景南爲許舍山

華藏山在無錫縣西南三十五里其陰又有青山東臨太湖舊有雲海亭卽望湖亭也青山西有韓灣孟灣諸山

閻江山在無錫縣西南四十里南畿志云下有太湖別浦名閻江因名山麓有天井泉故又名天井山其西爲胥山又西有歸山吳王旣浮子胥於江國人於此山望其歸也

軍將山在無錫縣西南四十里濱於太湖南畿志云南唐時戍兵於此以備吳越故名山下有甲仗塢其支峰爲象山相接者有五浪山白茅山羊祈山又軍將東南斷而復起者爲長泰山

吳塘山在無錫縣西南五十餘里白茅之南西臨太湖下山東南三里許接長廣溪遂入於湖曰吳塘門遂至鵝鳩山

大小雷山在無錫縣西南太湖之濱延入里許危崖三

江南通志卷十三  
面波濤衝激訇若殷雷小雷西有盤塢山其形盤曲窅然而深樵者裹糧而入

竹山在無錫縣太湖之濱長林怪石勝冠羣山下有石跨立水次其廣倍虎邱千人石

琴山在無錫縣東五里湖東隔湖與寶界山相望

皇山在無錫縣東五十里吳地志云秦伯所葬西有吳王墩卽梅里一稱鴻山謂東漢梁鴻曾居此東嶺有梁鴻井

香山一名顧山在無錫縣與常熟江陰界上有龍潭

安陽山在無錫縣西北五十里與府治界風土記云周武王封周章少子贇於安陽卽此卒葬其下山勢峻拔有峰名文筆又有龍湫廣袤三丈南徐記云山產石堪作器江東數州皆藉之

膠山在金匱縣東四十里與惠山東西相望宛若翠屏九域志云山嶺路南有梁蕭侍郎故宅今爲興化寺有泉二一曰竇乳一曰滌硯其西爲鳳凰山西南有白檐山

芙蓉山在金匱縣東北二十五里芙蓉湖在其下山以湖名也上有二峰一名龍井一名天乙

金匱山在金匱縣城中向謂邑之鎮也產石玲瓏採取傷耗今爲土阜矣金匱分縣以此名

君山在江陰縣北二里君謂春申也亦名瞰江山突起

平野橫枕江流四望無際延攬可為雄勝宋有松風亭  
今廢又有浮遠堂取東坡江遠欲浮天之句以名

青山在江陰縣西十里秀銳孤立寰宇記云上有九爐  
為干將冶鑄之所

觀山在江陰縣西南二十里相傳吳王之所遊觀也故  
名西與府之觀山相屬

由里山在江陰縣東南十五里或訛為遊鯉山其巔出  
雲以為雨候上有白龍洞山側有瓠子岡

白龍山在江陰縣東南五十里其上有龍洞歲旱禱之  
時應

綺山在江陰縣東十里宋志云昔吳王泛舟至此見野  
花如綺因以名山有善利泉清冽甘美


敵山在江陰縣東十五里山上有堆阜纍纍相比以形  
如敵而名俗謂耙齒山

定山一名女山在江陰縣東二十五里舊志以敵女為  
一誤也唐法響禪師駐錫於此有玉乳泉又名虎跑泉

稷山在江陰縣東三十里又名薛山相傳唐薛稷別業  
在焉相近為覆酒山又名為覆舟山

沙山在江陰縣東四十五里初本平陸晉宋間江潮湧  
沙而成楊吳敗吳越兵於沙上即其地

白鹿山在江陰縣東五十里宋志云昔吳王出獵得白  
鹿於此因名



黃山在江陰縣東北六里亦取春申君姓為名上有席帽峰輿地志云上有石室為楊吳時烽火之所遺址猶存下有郭景純故宅西北相接者為大石小石二山其下有石離立俯漱江濤奇險清絕

蕭山在江陰縣東北十五里一名小山祭江臺在焉其東有彭公山宋志云彭越東征營此故名

真山在江陰縣東北十五里祥符圖經作甄山十道志云石筏山梁時建至真觀於上改今名山下有石如牌懸江中故又名石牌山

香山在江陰縣東北三十里吳地志云吳王遣美人採香於此上有採香徑其地又為香灣楊吳時張可琮敗


吳越兵於香灣即此山西七里曰鳳凰山又西七里曰蟠龍山

浮山在江陰縣東北揚子江中西臨石矸東控巫門為江海門戶

盤龍山一名蛟山在江陰縣東十五里源山須知云唐垂拱中有黃龍盤其上三日

荆南山在宜興縣西南荆溪之南縣志云東漢陽羨長袁玘有善政其歿也天降銅棺或云山昔產銅有司采之故名銅官後人乃譌官為棺也山高而大巖洞絕勝

上有龍池歲旱禱雨輒應其北有善行洞山之東麓為靜樂山其南為芙蓉山西為橫山一名大蘆山北為南



嶽山孫皓既封國山遂禪此山為南嶽其地為古陽羨

產茶處附明都穆南嶽銅官二山記己未從潘氏村東南十里行山峽間

竹樹陰翳無往來者所值惟樵人一二里至南嶽山按

南嶽本衡州之衡山吳孫皓以陽羨山石裂為瑞遣使

封之改曰國山遂禪此為南嶽蓋漢武嘗移衡山之祭

於霽霍皓竊其義耳南嶽寺在山之麓因山以名門有

卓錫泉旱歲不竭又有稠錫樹極高大枝葉與他木絕

異相傳唐天寶中有稠錫禪師自桐廬來築庵演法寺

與樹皆其遺跡每季春縣官祀山之神然後以茶入貢

蓋其地即古之陽羨茶產此獨佳宋鄒忠公自嶺外歸

東遊愛之欲誅茅不果而李丞相綱亦留詩山中寺近

頗廢法堂後舊有天然井泉甚甘潔已寒於僧予為之

憊惜大抵庸僧必敗毀山泉景物以絕遊者此其恒態

不特一井然也寺之左三百步有飛瀑千尺如白龍下

垂匯而為池僧言稠錫禪師剖腹洗腸之處今名洗腸

池予欲南上登銅官山路陡峻不可以輿循厓而行旁

無草木下視甚危時東風橫發四山圍之力益勁予與

隸僕屢仆相顧皆大駭扶攜而前七里達僧庵一僧已

出童子煮茶供客共側有善行洞昔善行尊者之所居

也洞深數丈坐石小飲午飯於僧庵庵之後巨石如偃

其隙流泉涓涓不息晝夜僧引之以竹終歲仰給殆天

授歟山高百八十五丈周五里為一縣之鎮予所歷

僅及其半聞山巔池有三足鼈六日龜詢之山人云今

不復見惟蜚蜴遊其中縣官值早禱雨輒應與盡不暇

登陟銅官之說縣志謂漢令袁玘有善政其歿也天降

銅棺遂葬於是今山南巨石高壘若塚狀咸以為玘墓

所在殊不經意昔者茲山產銅有司採銅於山如鐵

官鹽官之類後之人訛官為棺云姑識之俟博識者

嘗釣於此

唐貢山在宜興縣東南三十五里東臨罨畫溪山產茶

唐時入貢故名一名茶山有金沙泉在其下

香蘭山在宜興縣東南五十里南曰大蘭北曰小蘭皆

產蘭與香山相接後遂合而名之其北麓濱於太湖名



曰蘭渚相近者有大湖山一名南山其西有楚山

岳山在宜興縣東北二十五里上有龍池龍祠其東為

虞山東北為金鵝山唐改義興為鵝州以此

陽山在宜興縣東北三十五里風土記作岬山上有周

子隱試劍石淬劍遺迹具在

西山在宜興縣西北七十里西界溧陽漢建武中嘗封

蔣澄為西鄉亭侯即此其對峙者為臥牛山荆山安樂

山

柚山在宜興縣西北八十里昔多橘柚懸轍洮湖與二

坏山對峙二坏皆在洮湖中曰大坏山小坏山四面水

環蹙浪如雪湖濱又有漸山峰巒亦奇

甌山在荆溪縣西南二十五里有南甌北甌其形如甌

雲湧若炊烟然

小心山在荆溪縣西南三十五里一名敷金嶺君山之

西峰也寰宇記云金剛承小心以山下有泉流砂其色

如金故名即金砂泉

國山在荆溪縣西南五十里東接芙蓉據吳志當名陽

羨山吳天璽元年有石裂成室孫皓遣官封禪改曰國

山立石頌德蓋仿漢武移衡山之祭於瀟霍也山形如

鼓篆文環繞其上今多漫滅不可讀其地又有離墨山

以古鍾離墨得道於此而名或以為即國山

龍池山在荆溪縣西南七十里山高五里南曰白雲巖

稍西曰伏虎巖上有二池相傳以爲龍之所潛山所由名也

章山在荆溪縣西南七十里舊稱黃山風土記云卽今方巖也與沸泉武花二山連亘入寧國界通典云陽羨有章山又武花西北有礪山形如礪石下亦有金沙泉茗嶺山在荆溪縣西南八十里一名象山一曰閩嶺自新安而來至廣德入縣界東西支分爲衆山之宗西十五里爲馬耳山遙看尖聳登其上則寬平又西五里爲天頂山以其特高於諸峰故名

伏牛山在荆溪縣西南百里一名金牛嶺與晨山皆界溧陽晨山北爲蔣山錦山又北爲大小俞山又分界山亦在西南百里入廣德界

頤山在荆溪縣東南三十五里唐陸希聲退隱於此謂此山東走震澤震爲雷魚龍之所蓄有頤之象故名著二十七詠記臺池泉石林木之勝有偃月嶺希聲詩有山嶺依稀偃月形之句山東連洞靈諸峰屬於蜀山蜀山在荆溪縣東南三十八里山特峙無附麗原名獨山宋蘇軾愛其風景類蜀爲改今名山麓有東坡書院義山在荆溪縣東南六十里東臨太湖西抵垂脚嶺有義鄉城遺址南入長興界

孤山在靖江縣東北二十里初峙江中距山百步有石碇明成化八年潮沙壅積山與石碇連爲平陸矣旁有

仙人臺及洞

垂脚嶺在宜興縣南六十里入長興忻溪界十道志云  
陟者多重斷故名

楊梅嶺一名山花嶺在荆溪縣君山西昔產蜜楊梅齊  
梁間入貢任昉謂其病民奏罷之

黃埠墩在無錫縣運河中流寺塘涇口康熙二十八年

聖祖南巡駐蹕墩上有佛殿

賜御書蘭若二字額

仙蠡墩在無錫縣梁溪之南舊傳范蠡曾泊於此一名  
仙女墩

善卷洞在宜興縣國山東南一名龍巖舊經以為周幽

王時洞忽自裂異形奇狀若飛若墮見者無不凜然外

峭中坦其廣可坐千人壁間皆鑿佛像有石筍高丈餘

謂之玉柱洞有三曰乾洞石室也又大小水洞泉深不

可測三洞相承如重樓宋熙寧間有僧求洞之深行三

十里許見石碓石床甚異未竟而返附明都穆三洞紀

遊義興山水甲於東南而善卷乾洞及大小水洞尤號

勝絕歲癸亥夏四月乙卯予始至宜興欲為三洞之

遊丙辰遂與客泛舟西南行四十里午食抵玉帶橋舍

舟北折渡石橋長松夾道其大有合抱者二里達善權

寺寺在國山東南齊建元中建蓋祝英臺之故宅也門

有榜曰龍巖福地行松間數百步泉上有亭翼然曰湧

金小憩久之復行上圓通閣左祀唐李司空蟻宋李忠

定綱李學士曾伯及我朝周文襄忱四公皆有惠於寺

而司空則義興人也閣之下多唐宋碑刻不暇悉讀後

稍右古栢仆地如蒼虬欲走不可控參自是登釋迦佛

殿其規制與今絕異山之僧方策近於柱礎下見刻字

江南通志

卷十三 輿地志

山川

七

常州府

僻不釋兵燹其巋然獨存宜也相傳昔創殿時雷震其處柱有字者凡三一日詩米漢一日謝鈞記一日詩米漢謝鈞之記字皆倒書大可徑尺非篆非隸深入木理或謂三者皆雷神之名不可曉也正統間周文襄來遊見之戲命削謝鈞記三字隨削而字隨入文襄異之乃止今柱上削處猶窪鄉民恒摹榻以去云佩之可以愈痞入三生堂觀李會伯書扁右偏石壁刻碧解庵三大字即祝英臺讀書處而李司空亦藏修於是寺之後亂石離立泉交流其間數十步至小水洞上飛巖突出峻可測水由是出客投以瓦石輒聞然鳴李司空碑謂微時親見白龍騰出洞中蓋龍穴云水出洞潛行石下百步乃見其一南注經寺中鐘樓一東注至於寺門以自湧金南下與東流匯至玉帶橋入於溪鄉之人資以灌田甚利幕宿策房丁巳寺後東北上山里許經九斗壇昔梁武帝嘗於此禱雨五代時為道士所據僧爭之至聞於朝遂復為其有西北循石磴而下至乾洞石崖有刻字曰仙李巖下小洞如甕覘之無所見洞左峭壁百丈一古木葉類榆朴根緣壁下垂附石而出復產枝葉人不知其根也洞門巨石中峙其通明處可容千人上流乳凝結詭狀不一其下石紛錯交互青綠眩日顧接不暇左一石類象特巨背復有石類佛趺坐兩日可

辨右巨石與左石相向類獅子張頤若肆齧者行百步即深黑童子秉炬前導約數十步有石柱崇幾二尋大六圍光潔如玉唐張承吉詩所謂玉柱闕靈根是也稍前有鹽堆米堆及仙人丹竈鹽堆米堆者皆以石色晶瑩取其形似恐炬滅不可久留出乾洞北下五十步草木蒙翳聞泉聲怒如轟雷衆皆膽掉股慄幾不能措足又西南下八十步至大水洞上即所謂乾洞仰視之如石樓然其前湧泉奔赴石上濺沫如銀注入洞中流出小水洞一石臥當泉衝洞穹然高敞口石立如泉頗類乾洞上有懸石欲墮觀者竦懼而石之白而方者高下以潤目仙人田左下有池圓徑一丈其北壁石如渴獸欲飲於池策云自此而入可聞寺中鷄犬聲而石滑湍急足不能進午刻飯方丈明日遂歸子性好遊嘗讀山經地志所載三十六洞天七十二福地雖不能遍歷然往往見不逮聞如三洞者怪奇偉麗乃平生之所未見而不列於洞天福地子因是又有以感士君子之修德樹功或不幸而滅沒無聞不得顯暴後世如三洞者夫豈少哉雖然蒐奇覽勝以足予之平生則斯遊之幸亦已多矣故敘而記之


張公洞在宜興縣東南五十五里相傳以為風雷所開

高六十仞周五里三面皆飛崖絕壁惟穴其北向遊者秉炬而入歷百磴至燒香臺仰視天光自竅中下屬大石縱橫離立不可名狀皆作碧綠色有仙人房元武石芝田丹灶錦屏瑤草諸異行三里許南有小洞可徑以出道書在天下福地之數風土記云張道陵嘗修道於此故名其側有會僊巖峭石壁立數仞宋紹聖間有見二僊倚石者因名巖下有泉寒冽淵澄極早不竭明代有人於此闕地得石刻玉泉二字題始知為古泉也

明都穆遊張公洞記

戊午從潘氏早食欲為張公之遊舟遂經東溪風逆其四十里至

漢鎮微雨予興不可過乘肩輿冒雨東南行羣山在目蒼翠可挹五里避雨天申宮舊名洞靈觀嘗有後唐明宗題標及宋韓熙載撰碑今皆不存而殿宇亦已傾圮所存惟三星石門而已須臾雨霽道士隨予南行至蓋山舍輿而登路多草莽約半里抵張公洞詢道士洞之得名云唐仙人張果老得道之所予嘗覽周處風土記為漢張道陵修仙於此而郭景純亦稱陽羨有張公洞則知名洞始於道陵不以果也洞面西北其周五里唇有石相距丈許上一石橫亘宛若門闕俯身從石級南下數十步上皆飛巖峭壁嵌空邃深駭人心目莫敢端視予足弱附石小憩盤旋而下又數百步洞益空豁石壁三面儼如堂宇其通明處方可四丈謂之天窻雜樹蒙翳天光下垂傳為赤鳥中震霆所霹上石乳萬株異形詭狀不可摹繪時有泉下滴人默承之出洞衣潔如故稍有言其滴處遂痕歸必浣滌亦甚異也中一臺崇三丈面可坐百人宋縣令趙伯淳築以息遊者坐飲久之俯瞰冥窟足不能措命童子秉炬前後扶攜而下臺南石刻張公福地四字道書謂天下福地七十有二此其五十八也臺之下怪石紛錯而倚者鏡而出者卻而後者顛而欲仆者拔而起者橫理者端莊而拱者偃者夷者將斷而復續者與石乳皆蒼綠一色傅染不逮又有如筍之植如鳳之騫如獸之怒而走飢而噬蓋洞之妙至此咸萃而遊者亦多止是洞西壁斜裂下多亂石其東一穴類洞而小人不入正南壁下其深黑處云可通後洞出洞半里東折觀後洞門石頗隘予疲極不能入又東南數百步至會仙巖孤峰側立數仞橫理



若鑿道士言昔有人見一叟倚石遜形而入因以名巖其空洞有泉出焉自右而趨潺潺有聲極可聽一斷碑臥草際乃元延祐四年重修會仙亭記與客共酌巖下日已迫暮聞多虎不可久留遂返

君陽洞在荆溪縣君山之陽因名唐陸希聲自稱爲君陽遁叟

大江在府北五十里江陰縣北一里而靖江之東南也西自丹陽入界經府治北東抵江陰東北與通泰州相對行郡境百八十餘里漢志所謂毘陵東北入海爲北江是也

得勝新河在府西十八里舊名烈塘河宋紹熙間浚治置牘明重浚改今名又府西北有白龍河東通澡子港有剩銀河北流入江皆與得勝新河合

孟瀆河在府西三十里奔牛鎮唐刺史孟簡因故渠開此瀆因名宋至明屢加疏治久復患淤

國朝康熙二十年江撫慕天顏奏請重浚建牘復故道焉

鳴鳳河一名直瀆在府西三十里奔牛鎮東北接運河南通白鶴溪

運河在府南自望亭入無錫界流經郡治西北抵奔牛鎮達於孟河行百七十餘里吳夫差所鑿隋大業中自京口穿河至餘杭擬通龍舟此其故道也自唐武德後累濬爲江南之水驛云

西蠡河在府南一名浦陽溪北枕運河南經陳渡橋入溇湖宋單諤水利書爲范蠡所開又府西南有平原濠

村奈澤孟津諸河俱入瀟湖

惠明河在府城內西南受荆溪自西水門入經郡治前  
稍東出靈雉橋與後河合流入運河 以上武進縣

網頭河在府西青山門外延袤六十五里入無錫江陰  
界其支流有四皆入於江一自通江橋東北流為澡子  
港一自楊頭鄭陸橋東流為利港一自後塘橋東北流  
為申港一自三山石堰東北流為新溝又府東丁堰河  
自運河北行來會府東北黃汀河東入江陰西與網頭  
河合

順龍河在府南三十里東通採菱港西接西蠡河志謂  
舊通荆溪自東壩既築而其流遂微又府南有永安永  
興二河俱合於此

薛堰河在府南七十里自周橋分流經唐橋折而南所  
稱薛堰通津也稍南為白馬涇河上渡至下浦港入湖  
又縣東南有太平河華渡河黃堰河俱與此合流  
水碓河在府東四十里東南接運河北過無錫入江陰  
界

後河在府城內一名市河宋史云慶曆中郡守李餘慶  
始穿龍塘河經大市引惠明河東注出裏虹橋與運河  
合 以上陽湖縣

雙河在無錫縣北五里一西北通河澣錢橋貫直湖港  
入武進界一東南與梁溪合流其支流又分為南北二

邗溝而皆合於南陽湖

五瀉河在無錫縣北十四里南接運河出上湖大陂北經府治暨江陰界又北至申港入江潮汐所至可勝二百石舟宋元祐間治芙蓉湖爲田置牖於此今則架橋其上名曰高橋

潭塘河在無錫縣東三十五里自鴨城河旁注而北貫興塘港與新河接新河南宋時所開北通大江今塞直河在金匱縣又名弦河以其側有弓河箭河而名也昔未有城時糧運由此故亦名運河  
長河在江陰縣一名東河自新河分流而西截蔡港清溪等口入由里涇西接黃田港入於江

長壽河在江陰縣東南四十里南接黃塘河北通長河東新河在江陰縣東南八十里由無錫界經長河而合於谷瀆港入江又有南新河自西陽至習禮橋與東新河合

九里河在江陰縣南二里南抵蔡涇牖北接黃田港以江潮東西經此合趨邪涇捲湧沙土壅積兩間隨浚隨淤

漕港河在江陰縣西南三十五里自無錫界四河分流西行折而北出山塘河西口趨石堰以達於申港入江乃無錫武進江陰三縣之分界河也

崇溝河在江陰縣西十里自三山石堰而東徑秦望山



合夏港入江  
橫河在江陰縣城東宋天禧中知軍崔立開以通漕凡六十餘里  
南轉河卽江陰縣城濠自朝宗門循城西流轉而北至澄江門接黃田港入於江商漕諸船出江者皆由此  
學前河在江陰縣始鑿於宋之元豐二年歲久湮塞明正德初邑令劉絃浚其遺跡復引江潮入泮  
通澤河在宜興縣東二十里明嘉靖間邑令馮惟訥以東溪風波險惡浚此西接荆溪東連太湖  
便民河在宜興縣西南二里西通泝滄東入荆溪相傳漢袁玘所鑿以避西溪之險民甚便之因名明成化

中邑令袁道重濬名後袁河謂袁玘不得專美於前也  
東蠡河在荆溪縣東十五里北接餘皮滄東南入於太湖宋咸平中浚

滷湖一名西滷又名沙子湖在府西南三十五里半屬宜興東連太湖西通蕪浦港郭璞賦所謂具區洮滷是也

宋建湖在府東南三十里舊志云宋高宗時所治故名又府東南有青城河自採菱港分流入於此

以上武進縣

太湖在府東南暨宜興無錫二縣俱控太湖其東爲長興南爲蘇州

陽湖以近陽山得名在府東五十里界無錫縣湖之東

北爲北陽湖西南爲南陽湖今多淤爲田  
芙蓉湖在府東五十五里界於蘇常之間一名上湖一  
名射貴湖一名無錫湖越絕書稱其大萬五千三百頃  
自宋以後居民屢增堤堰塞而爲田寰宇記云其流東  
南爲五瀉水以上陽湖縣

濠湖一名鵝湖俗名鵝肫蕩在無錫縣南六十里與常  
熟分界

漕湖一名蠡湖在無錫縣東南五十里與長洲分界唐  
地理志云元和八年孟簡開泰伯瀆并導蠡湖故亦名  
孟湖

五部湖在無錫縣東北十里東西二十里南北十里其

源濁而流清溉田百餘頃今湮

洮湖在宜興縣西北九十里一名長塘湖周廻百有餘  
里上受溧陽金壇之水下通太湖松江入於海風土記  
云陽羨西北有洮湖宋庾業爲義興太守西討孔顛至  
長塘湖卽此

白鶴溪在府西南二十里北通運河南入溇湖西接丹  
陽界

梁溪一名梁清溪在無錫縣西門外源出惠山南入太  
湖北合於運河梁大同中浚故名

長廣溪在無錫縣南十八里北自石塘通五里湖東合  
蠡口河南經下澤橋出吳塘門而入太湖吳地記云陳


勳所導

東溪一名東九在荆溪縣東西南諸山水東入太湖者並匯於此

東瀉溪在荆溪縣東南三十六里陸希聲頤山錄謂山前百餘步眾流合而東故名舊稱兩岸多藤花春時照映水中青綠可愛故亦名罨畫溪一名五雲溪

荆溪在荆溪縣南以近荆南山得名上通蕪湖下注震澤漢書謂中江出蕪湖西南東至陽羨入海即此溪也周處斬蛟在此自明中葉以後水口阻隘其流日以淤澁昔唐杜牧嘗作水榭於是溪之上宋蘇軾又欲買田種橘其間蓋山水致為佳勝 附明李東陽荆溪賦 有谿來自

西南兮勢奔騰而蜿蜒界甸服以為中江兮稱義興之名川上源出於蕪湖兮下通流於震澤乃雲雨之是與兮亦蛟龍之攸宅歷松江以入海兮渺不知其所極棹蘭舟而遐鶩兮與羣山而逶迤畫屏爛其前陳兮錦帳紛其後隨樓閣倒影其空青兮沙石分明而陸離彼魚與鳥其何心兮亦水泳而雲飛惟夫君子好修兮稟坤輿之清淑鍾世澤於名門兮蔭嘉林於喬木泓一鑑以為池兮結重茅以為屋朝攬秀於山顛兮暮舉芳乎水曲抱經濟以用世兮出觀光於上都躡瀛海之高踪兮覽長江之壯圖歎墨突之不得黔兮念陶園之將蕪列魁象於三台兮寄高情於五湖余養癖於林泉兮每探奇而索輿考茲地於山經兮恨不高飛而遠到重文靖之盟言兮亦惟斯人之為好慕楚頌之遺風兮矧蜀山之惟肖孰使谿之名荆兮復洞庭之是號豈不懷乎三湘兮莽風濤之浩浩楚人聚而吟之兮功垂成而不告歲忽忽其屢更兮竟罔而莫宣時寐往而寤歸兮宛茲谿之在前吾將探石髓於神仙兮尋勝景於桃源兮飛鳥於王喬兮邈歸槎於張騫雲幢霧節不可以久駐兮恍若送乎登仙荆溪主人聞而歌曰余之谿兮故鄉余之莊兮此堂抱余甕兮水傍泝兮練兮中央進則用兮退有藏修吾道兮相與翱翔招美人兮不來泚余懷兮天一方余亦從而和曰荆之溪兮孰使為清荆之山兮



江南通志卷之三十一  
孰使爲靈人與地而俱佳兮文與獻而俱徵彼信美而非吾土兮悵無樓之可登感妙思於吳歌兮歎騷辭於楚聲

西溪一名西九在荆溪縣西上受潤州廣德匯縣西境諸山澗之水繞郭流經東溪以入太湖

採菱港在府東南十二里東入於陽湖運河自此分流而南合龍游徐湖中村諸水世傳隋時所鑿

戚墅港在府東三十里南接運河東南入於太湖又自水月河通北陽湖

三山港在府東三十里東北界江陰南接運河西北入於申港以上陽湖縣

花渡港在無錫縣西北三十五里東接運河西貫直湖

港入於陽湖

雙牌港在無錫縣西北四十五里與武進分界北接運河南入陽湖

大渲港小渲港在無錫縣西南十六里皆分自梁溪西爲大渲東爲小渲又南行二十里至青祁滄始合居人於此植芰荷爲游觀云

石頭港在江陰縣東三十里自三河口導長河而南經橫河入於江又有雷溝港在縣東三十五里又東二里曰陳港又東十一里曰蔡港俱南達橫河入於江宋濱江置戍處明洪武中重浚

谷瀆港在江陰縣東六十四里源有二一自無錫界北

經新河一自長河而東會於三河口北入於江又支流  
自東南循顧山入常熟界

令節港在江陰縣東六十五里自谷瀆港東北入江  
夏港在江陰縣西十里南引五瀉堰過青陽歷崇鎮出  
蔡涇牖北入於江迤邐七十五里界縣境而中分爲江  
陰百瀆之宗

申港在江陰縣西三十里一名申浦舊志云春申君所  
開以導江南流其水東入無錫五瀉河西入武進戚墅  
堰合於三山石堰又北流入於江

利港在江陰縣西五十里自武進界鬼涇口東北行二  
十五里入於江明弘治癸丑浚申利桃花三港以行溢  
水嘉靖間復與桃花港同浚

桃花港在江陰縣西六十里合立埭河西北行五里入  
於江

黃田港在江陰縣北三里傳爲黃歇所開引江水以溉  
田因名舊志以此爲運河直抵無錫漕渠

瀾港在靖江縣西接城河南通大江

新港在靖江縣東五里曰東新港西二十八里曰西新  
港西十五里曰南新港西北五里曰北新港又小新港  
在西北大新港在西南

玉女潭在荆溪縣張公洞西南三里深廣逾百尺舊傳  
玉女修煉於此唐權德輿稱陽羨佳山水以此爲首

金牛潭在荆溪縣張公洞後其水渟泓不竭舊傳有金牛人於此又名伏牛潭南唐韓熙載洞靈觀碑所謂臥金牛於潭底是也

白茫潭在荆溪縣西四十五里廣數百畝受金壇溧陽諸水

龍泉灣在府南七十里四時瀑水飛流雖旱不竭

蠡瀆在無錫縣東南其水通太湖由梁墓涇達於運河寰宇記云范蠡伐吳所開其支分而為蠡口河

秦伯瀆在無錫縣東五里西連運河東達蠡湖唐刺史孟簡嘗浚之袤九十里廣十有二丈溉田千頃其支流為香涇梅花浜延祥等河

百瀆在宜興縣西南七十五里為上瀆北六十里為下瀆舊以荆溪居數郡下流遂於太湖濱疏百派以分其勢又開橫塘袤四十里以貫之瀕湖畎澮皆通焉單諤水利書云自蕪湖溧陽五堰達吳江猶人之一身五堰為首荆溪為咽喉百瀆為心震澤為腹蓋謂脈絡相貫也今多湮廢宋治平中樓閱知宜興所浚者四十二瀆明弘治中亦浚三十餘瀆而已

解崇泉在江陰縣東十八里迴入山谷湛潔靚深

金沙泉在宜興縣凡有三處色皆如金一在小心山一在唐貢山一在礪山

餘皮渰在宜興縣東十八里廣十餘里受荆溪湛瀆之

水東入於湖

洪洲渚在宜興縣西二十七里受溧陽諸流注於荆溪

入湖

湖汭渚在荆溪縣東南五十里其流北折而東入於太

湖

張渚在荆溪縣西南七十里發源章山合流於潼渚匯

於荆溪

孟涇在宜興縣西北四十里唐刺史孟簡所浚以避漏

湖風浪之險因名

鎮江府

北固山在府北下臨長江迴嶺斗絕其勢險固故名又

名北顧山因梁武帝改京口城樓曰北顧樓得稱元和

志云北望海口實為壯觀宜為顧也晉謝安蔡謨鎮此

并於山上作府庫儲軍實山有寺曰甘露西有秋月潭

走馬澗相傳漢昭烈曾走馬於此西南有鳳凰池天津

泉狼石山後有鐵柱峰一名石帆觀音洞在其下又旁

有甘露跨鼇二門又府治有陽彭山附明湯寅北固山

賦汨長江而東驚截堆埼以孤稜負崇構而傑起峙峒

日循迴龍紆京峴而右厠稱別領於鮫宮跨黃鶴而南

沿凌寶蓋而西雄沒天津之伏流斯海涵之冲澗迅風

切而落響旭日起而升紅邈飄飄於紫烟蹴磊柯之南

松挺萌臺之妮妮沾流泉而灑沫漾颯杳之疎鐘恍四

山之鏗鞳顧青螭而依依遂憑塔而造闕矚蓋而何

象儼白榆之可剡爾乃杖金策側角中侵蕭瑟之寒曦

納亭臯之芳春採江蘋而斜渡蹙潛波而渙鱗經畛啜

江南通志卷之三 輿地志 山川 鎮江府

拂乎天之胎禽攀九垓之仙躅遠微而迎茜石路敬  
 而銜綠樓臺舉而高騫諸峯迥而起伏其前則千雄萬  
 堞綺列鱗次伍兩雲屯翟葆風厲千畝之厓五都之市  
 白地統緹珠緋緋璣隱隱翰翰澀嘉糾刺大胥之所不  
 能名隸首之所不能記芝楣繡栴麗厥芸堂轍轍乎其  
 干霄視窟窟而迷方鳴鐘食鼎淇園玉圃雜卉歲裝以  
 詎甘進臙蟻而停箸七盤紛而近郁管絃舞而遐延  
 郭蔽郭朱最碧抽荆杞凭原而隆翠溝塍界路而承流  
 橫唐頽之青蔥俯丹華之彫鏤其後則多景之樓清暉  
 之閣枝峯峯而交撐結磔而如托瀾漫輦輶馮焉神  
 愕曲碧盤根於虛空神鷹奮飛而下掠窺望江之危亭  
 並蛾眉而依約吳檣楚舫於山之阿前迎後距擊汰揚  
 波集布駢而櫛操賦賦於盤渦元冥蕩日颺颺風多  
 亮朱明之不燠宜披裘而婆娑朝暉夕槿旁晚邪眺絢  
 雲霞而作壁插層濤之浩浩潤烟生而池颺混太虛而  
 晶漾西則浩盱歙滄浮玉相望疎重巖於波底壓滄海  
 而為堂東則焦巖蒼葦彷彿乎懷襄嵌霧樹於飛滂海  
 眩矚於中央惚兮惘兮郵乎湯湯微曲江之鉅麗控海  
 門之微茫其左則殷殷繹繹坡隨直下隱奔之邱曠畏  
 之野崇岡列而密嶷平林對而瀟灑道安遁跡宋玉談  
 茅制龍經而泉沸企曳尾而心遙承密葉以為帷權蒼

松而為橋杳乎翳蒼畫為阡陌忽巖巖而高緣闕刻  
 而低迫間鏡碑之田疇惑沕淪之大澤蕪籊籊而有人  
 帶修巒之重碧嘉樹列蔦蘿延倚雲崑傍潺湲銀浮圖  
 之崢嶸見圖汝於東軒信恢良以儻閭朔句曲以相纏  
 其右則岷嶺分派波濤南析川逸澹隱霜葦風菽噲乎  
 其隅混乎其室捷獵馱蔓亭砮榭積濟霜葦風菽噲乎  
 擊斥闖闖之紉紉肆譽膠而相敵歸蒜山之晴雲停酒  
 其崔嵬狀摩蹻以崆峒驚矚睽而徘徊空而闕跡巨靈  
 兩捫壁而屏息蹠蹠砉砉而成雷怪石帷舒乍前乍却  
 嶙峋躋空欲落礎礎稜稜以救青疊烟烟而獻萼披半  
 而垂錐倬芙蓉之初削羅衆卉而脅生被菑峭而猗靡  
 參高綠而先霜糝卑紅而晚滋其上則列刹言言鬱紆  
 曲布事存天監名仍甘露鏤案有唵嚙之鱗碧題有不  
 影之樹拱椽習其斜錯枅栱詭其叔牙靡慶宿月金輪  
 棲霞叢篠璫其閔櫺樞杭其隈軼摩伽而遙製豈般爾  
 之能裁堂則雷音護勅實實翼翼弘綵緻而翬飛揭離  
 樓而並飭亭則鎮海臨江居山之陽懸旅楹於岫吻敞  
 磊砢而磅礪其他曲檻煥房與摘丹餘詭形而殊狀者  
 不可殫述出柳溪之游鰻懷北軒之暮笛法序第而增  
 高月潭液而清冽鏡高邱之鏗鑿入江聲而爭急併欄



溽暑而扇陰裡梯豔陽而呈繪丹楓悽其惛惛樅栝  
 其晻藹花餘四時日饒崎嶇鳴則戒夜而鳴鷓鴣則  
 葉庇其背他若六雲縈盈而溢素蟬蝻霍濩而吹帶赤  
 松匿景而垂絲織阿馳輪而眩采其下則培塿東走落  
 景西明歸層櫺於石壁勢縱雙而窈玉菡萏灑露而鋪星虛  
 接倒樹以安亭幽篁觸砌而戛玉菡萏灑露而鋪星虛  
 洞積香而中窈鳳池含藻而波澄雨華垂青海嶽爭名  
 嶼以密檜圍以山櫻文以翡翠聲以和鶯援鵲鶻之孤  
 嶼驟啄玉於遙汀任公詹父草樹為廬乘舟容裔風水  
 當居騰森漫以天浮沓泐減而卑趨設醫單施曾尺鈞  
 必逮雙網必盈舳潛鱗為之駭徒天吳為之歛厥估客  
 之船落帆之浦疊漿聯篙明滅洲渚沙鴉漂其奄忽楚  
 岫濛而霞吐蟹堞之田多黍多稌旣腴壤之深按况編  
 町於茲諧眠祿磚於雲根理擾鋤於繁楚秩秩斯干講  
 武之堂製弘敞以窳窳映蘭薄而襟江吉日維戍于戈  
 威揚於是鐵杖之倫超距之士竝集洵湧魚服象弭驚  
 帆逸足照夜駮耳金鏤飾而獲畧桃花縵而千里乃踰  
 唐陂導坑衡彎青檀而弼張奮軒磔之驚雲百金命甲  
 貫月穿星靈輿五兵於設險榮李花而迄今若夫衛公  
 海若悸百靈耀五兵於設險榮李花而迄今若夫衛公  
 之栢車蓋無存明皇之像遺真已謾物既往而代非怡  
 靡微而不尊僧絲探微是留殊繪吳生擅場妙麗神會

國朝湯斌陽彭山春望詞跋

京口形勝甲東南金焦北固其

踐狼石之如羊蔓阡眠於蕭艾悵典午之更非感孫劉  
 而一慨九陽屆節有鳴倉庚於以修禊於江斯清於京  
 斯依影然華纓載忻載燕鼓瑟吹笙亦有嬈如姣好先  
 施陽文細腰善步其從如雲曳綉縞之織袿髻綺紈而  
 夕熏婉徐步兮袞袞樂莫樂於過江青春然則茲山者綜其  
 所宜而程其所用首籍籍於過江青春然則茲山者綜其  
 其山形而勢崑崙岷嶽修竹良材參差攏蠹足使甯封  
 頤神而不返支迺布金而存朴總二善以同規陋穢穢  
 之往復至於地非金闕夙標名勝謝元鈞鱸以真志令  
 則凌雲而寄興米顛托病以栖閑客兒紛游而竊詠美  
 令軌於曩賢實青邱而並競若夫閩風晉城峨眉積雪  
 香鑪恒霍之奇女几天台之別雖各羨於山經終險巖  
 而遼僻未有聳城闈而適時攬曲涯而  
 吐納果擇勝而逍遙庶茲土之尤絕

而未有知所謂陽彭山者特著故畫舫籃輿日萃其下  
 絕壑之觀然登其上而三山雲樹環翠如屏長江洶湧  
 風帆隱見與潤州城堞樓櫓烟火十萬餘家無不近在  
 几席俯仰指顧亦登臨之勝槩也特其名不見於山經  
 輿誌故騷人之游屐不至卽或至焉而文字不足以發  
 之世亦莫得而傳焉則山川之幸不幸豈不以人哉戊

申三月董子文友來自毘陵與何子雍南程子千一偶  
登此山乘春騁望各賦詩十章曰陽彭山春望詞三子  
皆以詩文擅名當世其詞雖記一時聞見所及而江山  
形勝如指諸掌余聞京口盛時名家巨族競選山水觀  
冶之區治園亭臺榭極歲時游覽之娛自海艘告警山  
川如故風景頓殊三子懷古瞻今感慨係之宜其詞之  
婉麗而凄恰也夫天下幽巖邃壑徒為樵夫漁子所棲  
游者多矣此山南望則米元章之遺墓在焉其西則昭  
明太子讀書處也風流文章想見其人何後來游者篇  
什零落乎此詞流傳於世吾見尋奇探幽者詫為奇聞  
異蹟必將載酒登高窮極眺望墨版淋漓後為游覽盛  
事四方聞而不得至者與金焦北固同入夢想也故余  
謂仙宮佛窟士女繽紛不可言游游陽彭  
山者自三子始書此所以慶此山之遇也

石公山在府北九里瀕江與焦山對峙下有石檻山形  
如雙象一曰象山有象山洞

蒜山在府西五里元和志云臨江壁絕山多澤蒜因名  
或曰算山謂周瑜與諸葛亮議拒曹操之所東晉末孫


恩浮海至丹徒劉裕大破其眾於此山本寬廣宋元間  
淪入於江今西津渡口水中孤峰獨峙者也 附明林魁

蒜山考 蒜山在丹徒縣西三里北臨江上無峰嶺山生

登蒜山劉裕奔擊大破之投崖赴水死者甚眾唐劉展  
叛田神功將三千軍於瓜洲將濟江復將步騎萬餘陳  
於蒜山又徐知誥常游蒜山除地為廣場編虎皮為大  
帷率僚屬會於下舊志又謂蒜山松林中可卜居蘇子  
瞻詩蒜山幸有開田地著此無家一房客觀此則舊寬  
廣可容萬人宋時猶可居止不知何年淪入於江也

銀山在府西江口舊名土山唐劉禹錫詩土山京口峻  
是也元時以與金山對峙易今名今亦名雲臺山山側  
為鎮屏山下有潮音洞其別阜曰玉山

金山在府西七里大江中初名浮玉山風濤環遶勢若  
飛動岩洞泉石皆名勝也九域志云唐裴頭陀於此開



山得金因賜今名然梁天監四年僧祐高寶誌於金山  
修水陸會則金山之名當在唐前又名伏牛山宋真宗  
夢游其山又改名龍游山旋復故名其頂有金鰲妙高  
等峯浮圖冠其上有泉名中泠陸羽以爲天下第一山  
之東有日照巖一曰朝陽洞東麓有善才石一曰鶻峯  
西有石排山隱出水面若薄筏然相傳郭璞墓在焉自  
康熙二十三年

聖祖仁皇帝南巡建有

行宮屢經駐蹕先後

賜御書匾額天王殿曰勅建江天寺大雄寶殿曰動靜萬古

行宮曰江山壯觀曰吐納萬象留雲亭曰江天一覽暢遂樓

曰澄懷日新佛印山居曰水天清映龍洞曰松風石

御書樓曰浮翠樓大悲殿曰禪棲朝陽洞曰雲峰禪堂曰祇樹

御製恭侍

皇太后駕臨金山記 恭紀首卷

五州山在府西三十里晉永嘉後幽冀青并竟五州之  
人流寓京口故顏延之車駕幸京口詩云望幸傾五州  
疑山名緣起於此梁武帝會幸焉輦道尚存山有泉其  
流所匯曰夕溪又府西四十里有香山鐵爐山五十里  
有曹山明成祖嘗駐蹕其下

黃鶴山在府西南三里一名黃鵠山宋武帝微時游息  
於此有黃鶴飛舞其上因名宋戴顓隱黃鶴山文帝每

欲見之曰吾東巡當宴戴公山下故又名戴公山

磨笄山在黃鶴山東南宋戴顓女於此磨笄誓不適人

因名

菊花山在磨笄山南其對峙者為天福山

長山在府西南二十五里上有靈泉其流與練湖通漑

田甚多南有塔山

高驪山在府西南五十里亦名句驪山相近為覆船山

舊志以為即酒嬰山之異名

招隱山在府南七里本名獸窟山宋處士戴顓隱焉故

名寰宇記云梁昭明太子讀書於此石案猶存下有真

珠泉虎跑泉鹿跑泉又有昭明所開古井及玉蘂亭唐

李德裕玉蘂花詩刻石今存西有峴山與招隱聯勢俗

稱大峴小峴又相近鳳凰山迴龍山夾山福田山

白兔山在府東南十五里舊志云宋刁約葬此有曰兔

躍出因名相近為磨山

馬蹟山在府東南三十五里道書第四十九福地也山

有青童君馬蹟故名又有葛稚川煉丹井有黃龍青龍

二洞

花山在府東三里一名東山皇甫冉詩云北固多陳迹

東山復勝遊即此又府東三十里有雩山大瀆山六十

三里有華山舊志云即樂府所謂華山畿者

京峴山在府東五里京口京鎮皆因以名一名丹徒峴

或稱荆峴

國朝順治十六年大敗海寇於此北有汝山相近者釜鼎山鼎石山

焦山在府東北九里大江中舊傳以東漢焦光隱此得名寰宇記通典亦謂之譙山亦曰浮玉山與金山對峙相去十五里上有焦仙嶺三詔洞以焦光三詔不起也又有獅子海雲觀音羅漢棧道等巖青玉塢碧桃灣山之餘支東出並立於波間者曰海門山康熙中

聖祖南巡臨幸山中

賜御書匾額山門曰定慧禪寺大雄寶殿曰香林曰法雲慧日

御製焦山詩三首 恭紀首卷

圖山在府東北六十里濱大江江流自東而西而北轉屈之間層峰峭壁俯瞰湍波京口之咽喉也山有上下二箭洞下有東霞寺宋史張世傑與元兵戰於江中不利退奔圖山即此

日精山在府學內上有日觀遺址

月華山在府治西南一名萬歲山晉刺史王恭建萬歲樓於上至唐猶存宋初稱為月臺今遺址在焉下有秦潭宋為放生池

壽邱山在府治西南宋武帝故宅所在即位後築丹徒宮南麓有龍華寺即其地今建丹徒縣學

國朝改名聖像山

觀音山在丹陽縣東北三里一名惠山中有玉乳泉爲中冷之亞其後爲甘草山

經山在丹陽縣東北三十里昔有異僧講經於此故名一名金牛山輿地志謂漢時金牛出山之東馳至曲阿上有金牛洞洞口僅容一人其中甚廣下有泉甚清列繡毬山在丹陽縣東北三十六里三山相連如繡毬上有白鶴泉

陳山在丹陽縣東北四十里下有玉龍泉又水漸山黃連山皆在縣東北

沈山在丹陽縣東北四十里南唐沈彬所居今廣教寺其遺址也旁有石壁高千仞若翠屏然下有緒山丹井又縣東北有鷄籠山

九靈山在丹陽縣東北四十里下有桃花澗有仁靜觀唐魏法師嘗居此

金鷄山在丹陽縣東北四十五里下有顯忠廟

嘉山在丹陽縣東北四十五里舊志云境中諸山嘉山最高其上出雲土人以爲雨候中有龍湫久旱不涸又鳳山又巖山一名白雲山皆在縣東北

隨駕山在丹陽縣東北五十里經山之西或謂秦皇所遊也

白鶴山在丹陽縣西十里孫鍾墓在焉

論山在丹陽縣東南道家三十八福地謂神仙所都也

彭山在丹陽縣東三十五里下有龍池靈異

茅山在金壇縣西六十五里漢三茅君得道之所道書

云秦時名爲句金之壇以洞天內有金壇百丈此縣所

由名也其東及南屬金壇西及北屬句容自大茅一峰

東來蜿蜒而下勢如龍尾故有龍尾山陶隱居云大茅

以南韭山竹山吳山方山自此疊嶂遙接於吳興天目

諸山矣餘詳見江寧府

顧龍山在金壇縣南五里前望白龍蕩故名一名烏龍

山俗稱土山明太祖東征嘗駐驛焉

大坏山小坏山二山在金壇縣南三十里長蕩湖中屹

然孤秀望之若浮又曰大小浮山亦曰大小巫是山界

於宜興溧陽

雲泉山在溧陽縣東南三十五里山上有泉雲氣出焉

下有雲泉寺唐貞觀舊蹟也

鐵山在溧陽縣東南五十里唐書地理志云溧陽有鐵

卽此今有坑冶遺址又東南八里有銅官山唐書云溧

陽產銅是也今無之又縣西南七十里鐵冶山一名

鐵峴相傳前代鑄鐵處

三鶴山在溧陽縣東南六十里舊經云有潘氏兄弟得

道於此化鶴飛去一名仙山又有結都山亦在縣東南

產石煤

錫華山在溧陽縣南四十五里一名小華山形勢雄偉

有流泉草樹之勝又天井山在縣南六十五里中空如井

五松山在溧陽縣南七十里舊名松山李白改今名

石屋山在溧陽縣南七十里有鑄劍坑圖經云吳王使歐冶子鑄劍於此山其遺迹也

石門山在溧陽縣西南二十里兩山相峙如門

桂林山在溧陽縣西南三十里宋汪藻挹秀堂記云南則翠巘晴嵐與人應接者桂林諸山也

荆山在溧陽縣西南四十里山南有二峰怪石峻削名曰東西二柱又有泉可資灌溉

盤白山在溧陽縣西南四十里晉仙人李盤白飛昇於此一名高邃山山有高邃洞其深叵測唐開元間建會仙亭宋大中祥符初勅改爲太虛觀

三王山在溧陽縣西南五十里一曰三首山

伍牙山在溧陽縣西南六十里輿地廣記云伍子胥伐楚還吳經此山故名建康志云子胥齒美避楚慮人識以石擊牙神護之不毀故名亦名護牙山

菱山在溧陽縣西六里有龍潭可禱東畔石壁臨溪奇秀映發宋丞相趙南仲父子與賓從宴遊於此題石猶存

巖山在溧陽縣西十里北連姥山又平陵山在縣西三十五里西有平陵城



大石山在溧陽縣西十四里舊志云上有石刻龍洞二字淳祐間汴人趙昕書下有龍池雖旱不涸

黃山在溧陽縣西四十三里舊志云黃鶴仙人得道於此因名又九龍鳳凰等山俱在縣西

曹山在溧陽縣西北八十里瀨水發源於此山有聖姥祠相傳聖姥曹姓故一名曹姥山相接有分界山縣與溧水分界處

雷山在溧陽縣北三十七里巖石隱秀泉流澄潔俗傳雷公鑄劍於此一名雷公山

瓦屋山在溧陽縣北八十里山形連亘兩岸隆起如屋李白遊白湖亭望此山有詩又縣北七十里有黃金山

雨後土色如金二山皆界於句容

了髻山在溧陽縣北八十里東與仙几山連兩峰聳秀如髻

山山在溧陽縣東北二十五里洮湖之上界於宜興集韻云山音毆溧陽山也縣志作岳誤

白龍岡在府治獸窟迴龍兩山間又有白龍洞一名蓮花洞爲南山佳境

夾岡有二在丹徒縣南者曰小夾岡在丹陽縣北者曰大夾岡皆漕河所經也

金牛嶺在溧陽縣南七十里在四山中長亘十有餘里與廣德界

大江在府治西北六里卽揚子江也一名京江東注大海北距揚州郡城臨其南岸金焦障其中流魏文帝將南征見波濤洶湧歎曰此天所以限南北也

海鮮河在府治西北宋嘉定間郡守史彌堅請於朝開此以泊防江之舟西北通京江東南接漕渠復重濬歸水澳以輔漕渠時蓄洩

漕河自江口至南門九里又南至丹陽九十里水道經大小夾岡上下有京口呂城二牖舊志謂始秦鑿曲阿其後隋大業中穿而廣之擬通龍舟卽丹徒漕渠也詳見河渠志

珥瀆河在丹陽縣南七里自漕渠經珥村鎮達於金壇

俗稱七里河

胥溪河在溧陽縣西八十里春秋吳伍員開運道於此故名其後五代楊吳作五堰詳見河渠志

新豐湖在府東南三十五里一名新豐塘元和志云晉大興四年晉陵內史張闔所立始其地少陂渠田多蕪穢此湖創而成灌溉之利

練湖在丹陽縣北卽古曲阿後湖湖所名練記云由孔子登泰山觀吳門若匹練然而謝宣城亦稱澄江靜如練以水容目之耳周四十里納丹徒長山高驪諸山之水凡七十一流匯而爲湖唐時居民築堤湖中爲田遂分上下二湖後上湖久廢

國朝康熙中民漸占下湖為田奉

旨仍留蓄水遂復為湖今湖心築墩建

聖恩亭立石曰萬世永賴之碑

高湖在金壇縣西北十里周百餘頃北受五十瀆南流  
十二里入大溪

思湖在金壇縣南六里一名白龍蕩舊常寬衍蓄水近  
以居民築埭擅菱藕之利稍失其舊矣

長蕩湖在金壇縣南三十里即洮湖也與宜興溧陽界  
詳見常州府

梁城湖在溧陽縣西六十里俗名三塔滄周四十里  
千里湖在溧陽縣東南十五里一名千里滄陸機云千

里尊羹未下鹽豉即此今已淤矣  
蜃溪在府西北匯四十八汊之水而為練湖餘流入金

壇境宋人避孝宗嫌名改為辰溪  
夢溪在府治朱方門外宋沈括嘗夢至其地後謫居於

此因名  
白鶴溪在丹陽縣東南金壇縣北上承金陵句曲之水

東流入常州一名荆溪  
大溪在金壇縣西二里東南流入長蕩湖王樵云今縣

西有青蒲河通崑崙河入長蕩湖即故大溪也  
直溪在金壇縣西三十五里受茅山丁角諸水東南通

大溪入長蕩湖俗名直里河又縣西南三十里有唐王

溪亦受茅山水流入大溪其側有唐王村故名

瀨溪在溧陽縣西北三十六里一名瀨陽滄上接三塔

諸滄水東入太湖

白雲溪在溧陽縣東南十里一名白雲涇縣境之水匯

流於此清澈可鑿東流入荆溪又縣南二十里有高友

溪源出廣德諸山經黃墟蕩合於白雲溪又縣南六十

里有金陵溪亦發源廣德至新橋入河流亦會於荆溪

京口港在府西北江口

丁卯港在府南三里有丁卯橋運道所經也唐許渾居此

丹徒港在府東南十五里南抵漕河有壩北入於江

安港在府東北八十里通大江

甘露港在府治北固山下通大江宋轉般倉在此史彌

堅嘗濬之今淤又新港在京口甘露二港間明弘治中

濬

蕭港在丹陽縣東二十七里

包港在丹陽縣東七十里北通大江南連嘉山

燕子港在金壇縣東四十里舊志云通長蕩湖者舊有

八十餘港隸金壇者十二此其一也

溧水一名瀨水在溧陽縣西北四十里即永陽江也漢

志注云溧水出南湖舊縣在水北故曰溧陽水利考云

永陽江亦曰潁陽江古名中江今謂之九陽江

潤浦亦曰東浦在府東一里隋置潤州以此浦名  
簡瀆在丹陽縣南五里一名香草河南接延陵鎮諸水  
東北達漕河唐置簡州以此瀆得名

丁義瀆在丹陽縣南三十里自白鶴溪分流溉田  
涇瀆在溧陽縣北三十里金壇溧陽之水會於此入洮  
湖

百丈溝在溧陽縣南五里一名百步溝源出燕山東流  
入白雲溪設壩儲水以資灌溉

天津泉在金山甘露寺西南始寺取水山下明永樂中  
忽得美泉因以太祖甘露生泉天降津之句名之

雙井在丹陽縣東南二里其泉最古相去數尺南者色  
赤北者色黃

沸井在丹陽縣南四十四里井有四二清二濁晝夜騰  
湧不絕


縲車涇在溧陽縣南十里西接黃墟蕩東北屬於白雲  
溪明成化中重濬

古縣滄在溧陽縣南十五里晉永世縣故址與千里滄  
相連亦產美蓴

淮安府

鉢池山在府治西北十五里府志云相傳王子喬煉丹  
於此岡阜盤旋以形似名

老子山在清河縣東南百里舊志云世傳老子煉丹於



此山西有仙人洞深二丈許下臨淮水四壁如削  
霍山在老子山南跨盱眙清河之間

鐵柱岡在鹽城縣北二里海岸上世傳秦皇繫馬柱也  
或云蛟龍畏鐵作此鎮之

沙岡在鹽城縣西北縣境無山惟有沙岡一帶南抵岡  
門鎮北距海延迤起伏五六十里

九里岡在桃源縣西北四十里  
白鶴墩在清河縣西北八十里相傳有仙人控鶴之事

三台墩在清河縣縣治踞其中左右輔以二墩  
竹墩在安東縣東北四十里

鳳凰墩在安東縣北十五里中漣河西相傳昔有鳳凰  
集此


燕麥墩在安東縣北三十里  
金牛洞在府西北十里周顯德四年世宗親征南唐嘗  
宿兵於此

大海在府東二百里為大海口是淮河入海處府治與  
鹽城縣皆東濱於海鹽城自海浦出洋東北五十里乃

元人海運故道也

澗河在府東南五十里上洩三城瀦水下通濱海舟楫  
承濟河一名新河在府南十里明萬曆中開以通漕

涇河在府南五十里西通運河  
淮河在府西南五里自泗州龜山東流匯為洪澤又東



至清口黃河自北來會東北入於海

黃河在府西北自邳州入桃源界至清河縣合於淮東北抵安東縣雲梯關入海

運河南自寶應界抵郡城西北又西達於淮爲吳邗溝隋山陽瀆遺跡明平江伯陳瑄之所導也

草灣河在府西北二十里淮河北岸南對清江浦初黃淮水大常至逼城明萬曆初兵備副使舒應龍開此河以殺其勢而安東復有直射之患

官河在鹽城縣西南四十里源於大蹤湖北爲鹽河東入東塘其下流入射陽湖

封子河在鹽城縣西十八里岡門鎮西自馬鞍湖運鹽

一一河流入景泰中太守邱陵疏其湮塞

蘆溝河在鹽城縣西北六十里縣西有東西二塘俱源於大蹤湖流爲是河北入於射陽

汶河在鹽城縣北門外自通泰北經鹽河東塘入於射陽

泗河亦名清河在清河縣治西自山東泗水縣由徐邳經桃源縣至清河縣西北分爲大小清河大清河由縣東北小清河由縣東南俱入於淮弘治初黃河入小清河其水遂濁至今猶名清口

漣河在安東縣北三里有東西中三漣河闊皆數十丈源自西北大湖東南入淮

官河在安東縣北三十里源自西漣來南通中漣東流  
散入過蠻等河入淮北通海州諸鹽場舟楫便之

支家河在安東縣西十五里南通山陽新溝及孫村浦  
入淮又縣西有大防河入於此

崇河在桃源縣北四十里相傳晉石崇嘗立倉於此其  
源西接宿遷劉老澗東入安東漣河

白洋河在桃源縣西六十里上通汴河下達黃河鎮西  
界宿遷

白馬湖在府治西南

管家湖在府城西望雲門外又謂西湖嘉定志云卽仁  
濟橋之北湖是也

洪澤湖在府西界山陽清河桃源盱眙四縣本名洪澤  
當淮水下流左右有數十湖匯而爲一土人統名曰洪  
澤湖泗州城陷於其中其東南爲淮揚兩郡高堰之設  
所以障此水也

射陽湖在阜寧縣城北漢書云廣陵王有過其相滂之  
奏奪其射陽陂卽此湖也周三百里寶應山陽鹽城三  
邑界之其下流由廟灣新豐市入海

大蹤湖在鹽城縣西南百里南北徑三十里東南廣十  
五里與興化界


馬鞍湖在鹽城縣西三十里北入侍其汊以達射陽  
富陵湖在清河縣南有溝通淮淮漲輒與湖合澤廣魚



繁歲委官量船納料以備魚油翎鰓之稅又縣南九十里  
里有北萍湖與淮水通流又縣東北有四鋪湖周十五  
里入淮有五昌湖周十里入湯家澗又縣西北有三角  
湖縣境湖澤相連大小以數十計其下流皆達於河淮  
碩項湖在安東縣西北百二十里世傳秦時所陷一名  
大湖廣袤數十里界海州沭陽安東東南達於淮  
倉基湖在桃源縣南七里東流會丁家溝達河入淮  
大莊湖在桃源縣東南三十五里黃河餘流所匯也通  
丁家溝入淮  
赤鯉湖在桃源縣北七十里通漣水入於河  
黃浦在府南六十里東南至故晉口入射陽湖西達三

角村入雙溝

清江浦在府西北三十里舊為沙河土名烏沙河古運  
道自郡城東北入淮舊志云宋轉運使喬維岳開此直  
達清口明永樂初陳瑄置牓更名清江浦千軸叢  
集居民夾岸為水陸之孔道  
建義港在府東北八十里東南流合通濟溝入射陽湖  
北入於淮  
蘆浦港在府東北百二十里東南入射陽湖西入淮  
推蝦港在阜寧縣東九十里  
當尖港在阜寧縣西六十里  
雙洋港在阜寧縣北百二十里



建港在鹽城縣西北七十里自大蹤湖北經馬長汀過射陽湖入海

棠黎涇在府治淮陰廢縣東九十五里唐長慶初開

高良澗在府西南九十里其水本入於淮明萬曆中置

牖洩淮水東注寶應諸湖

三洲在府治山陽灣對岸有上洲中洲下洲或云詩所謂淮有三洲是也

通濟溝在府東北六十里東經馬邏港入射陽湖西自橫溝入淮

楊家澗溝在清河縣北四十里達於淮本河也元末用兵於高郵開以濟運今涇為溝


泗溝在清河縣東八里或作泗口晉時其地為重鎮

三里溝在清河縣東南三里入淮置牖通運

響水溝在安東縣西一里北接支家河引沐水大湖中漣南流入淮水流有聲因名

甘泉井在府治豐登橋側水與淮湖為消長

真君井在桃源縣城南水味甘美旱亦不竭俗傳劉真君所鑿



普濟

良醫世第林淵源其南木和甘美早收不燥利便  
甘家世第林淵源其南木和甘美早收不燥利便

柳百

柳百其人其木其竹其竹其竹  
柳百其人其木其竹其竹其竹

江南通志卷十三終

市人里方有門戶皆仰其風

